

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL	Celal, Mehmed
248	Zade-'i sa'ir
C43Z48	
1895	

4146

18/450

4146
زاده شاعرک مندرجاتی

برنجی قسم

— نعت ، مدایح جلیله حضرت پادشاهی —

	صفحه
نعت	۳
— مدایح جلیله حضرت پادشاهی —	۵
حسن ابتدا — روز جلوس حضرت خلافتناهی —	۹
ولادت هایونده شهر آینه دائر	۱۳
روز ولادت جناب شهر یاری	۱۵
عرض شکران	۱۹
توصیف حضرت پادشاهی	۲۰
عیدیه ، بهاریه	۲۲
روز فیروز جلوس هایون	۲۸



ایکنجی قسم

— عثمانلی تاریخنده بر قاج صحیفه —

سلطان عثمان غازی	۲۹
سلطان عثمان غازی لسانندن	۳۱

غازی سلطان عثمان حضرت توری لساندن	۳۲
سلطان اورخان غازی حضرت تورینه	۳۶
آیا صوفیه	۴۰
حضرت فاتح	۴۰
فاتح سلطان محمد غازی حضرت تورینه	۴۱
تربۀ پاک حضرت خالد	۴۴
یاوز سلطان سلیم اول	۴۴
دیگر	۴۶
زیارت مرقد سلطان سلیم اول	۴۸
قانون سلطان سلیمان لساندن	۵۰
ییلدیرم سلطان بایزید اول حضرت تورینه	۵۲
سلطان محمد ثالث حضرت تورینه	۵۳
خداوندکار غازی لساندن	۵۵
فاتح سلطان محمدخان حضرت تورینه دائر	۵۶
سلطان محمد اول حضرت تورینه	۵۹

اوچنچی قسم

— آراوه کی پری —


آه! آه! ای حسن! .. ۶۱

بکله! ۶۲

بربارداق نور ۶۴

اویویور! ۶۶

هرزمان کوزل ۶۷



دردنجی قسم

— محصول بهار —

دومانلی داغله ۷۰

داغله ۷۲



بشنجی قسم

— مزار طاشتری —

بر بیوک آدمک کتابه سنک مزاری ۷۴

فهمیه ۷۴

کتابه سنک مزار	۷۵
هم مرثیه هم تاریخ	۷۶
برقیزک کتابه سنک مزاری	۸۰
کتابه سنک مزاری	۸۰

التنجی قسم

— لیالی —

مرمره ده	۸۳
مهتاب	۸۴
آنا	۸۶

یدنجی قسم

— نومات —

رجا	۹۰
بیلمم کیمکچون اغلام ؟	۹۰
نوم اضطراب انکیز	۹۲
موت !	۹۴

سکزنجی قسم

— اریات عتیقه صداری —

فضولیانه بر مرثیه	۱۰۱
مفرد	۱۰۴
درد بیتلی غزل اولمازمی؟	۱۰۵
قلمادی!	۱۰۵
تاریخ ولادت	۱۰۶
دیگر	۱۰۷
ویره مزمنی؟	۱۰۸
اولسون	۱۰۸
غزل	۱۰۹
بیكباشی سعید بك ایله مشترك برغزل	۱۱۰
مغموم	۱۱۱
دیسونلر	۱۱۲

طقوزنجی قسم

— اعزانه —

۱۱۳ اکلایم !

سنبل کونشه نهدير ؟ ...	۱۱۵
دوشونورم !	۱۲۰
اغلا !	۱۲۱

اوننجی قسم

— آتایه —

تحسر	۱۲۵
یاد ایت	۱۲۶
فریادی دیکله نور دیدم !	۱۳۰
مفرد	۱۳۱

اون برنجی قسم

— شیرات —

شفق آلتنده بر هلال	۱۳۲
پک سوهرم	۱۳۳
ملک	۱۳۴
وار	۱۳۷

ز ۱۳۷

دکل ۱۳۷

اوز ايکنجی قسم

— عددہ —

غزل ۱۳۸

عندليب ۱۳۹

ايکنجی قطعہ سی اولمايان برشرقی ۱۳۹

برشرقی دها ۱۳۹

اوج بيت ۱۴۰

وصال ۱۴۱





فوائد سنک

۲۵۰ - ۵۹۳

صاحب و ناشری :

شمس کتاخانه سی

محرری :

محمد مهول



معارف نظارت جلیله سنک رخصتيله

استانبول

صفا و انور افندی مطبعه سی

خواجه پاشا جاده سنده نومرو ۲۲

۱۳۱۱

PL
248
C43748
1895



زادهٔ شاعر

برنجی قسم

نعت ، مدایح جدید حضرت یار شاهی

نعت

فروغ طلعتك پرتو فشاندر یار رسول الله !

فروغ طلعتك كوندن عیاندر یار رسول الله !

سن اول شمس الشموس آسمان قدسیانسنین کیم ،

دخیل در كهك لاهوتیاندر یار رسول الله !

ایدر اسرار معراجك جهانی نوره مستغرق !

مکان پاک عرش مستعاندر یار رسول الله !

تجلیزار ایدر لاهوتی دیدار ضیابارک !
 سنک عشقکله موسی ناتواندر یارسول الله

خدا در عاشقک معشوق رب العالمینسن سن !

ملائک در کلهکده پاسبانددر یارسول الله !

تجلیزار سینا مهر و ماه عالم لاهوت ،

جمالک پرتوندن برنشانددر یارسول الله !

عذارک درشکدن خورشید و ماهی چاک چاک ایلر

بو کاشق القمر برهان شاندر یارسول الله !

شفاعتدن جلال زاری محروم ایتمه محشرده

شفاعت ایتمسهک حالی یماندر یارسول الله !



— مداخله جلیله حضرت پادشاهی —

قطعات

حضرت سلطان حمیدخان معارف پرورک
 اولدی محبوب کالانی جهان معرفت !
 پرتو خورشید عرفانندن اولدی مستیر ،
 نوره غرق ابتدی جهانی آسمان معرفت !



سایه حضرت سلطان حمید غازی
 ایلهدی عالمی مستغرق انوار کرم !
 روز و شب پرتو الهام خداوند ازل ،
 قاب پر نور و همایونی قیلسین خرم .



علویتیدر حضرت سلطان حمیدک ،
 خورشید ترقی بی ایدن بویله درخشان .

برنور آلهی کی خورشید نکامی :
آفاق کالاته اولور شعتسه افشان .



وجود حضرت سلطان حمید معدلت پرور ،
بوتون افراد ملک وملتہ لطف المہدر .
دوام عمر واجلال هایونی ایچون دائم
لسانی ایلهین جہتیمه دعای پادشاهیدر .



لطف عمیم حضرت سلطان حمیددر :
عالمده اک یکانه ، مقدس پناهمز !
قیلدی علو همتی مسرور عالمی .
علویتک مجسمیدر پادشاهمز .



سلطان حمیدخاندر سلطان کامراندر ،
ارباب عدل ودادک اکشانلی سر فرازی !

یارب دمام اولسون اجلال و عمری افزون .
خورشید معدتدر سلطان حمید غازی .



پادشاه پر عدالت حضرت سلطان حمید .
تخت عالی بخت عثمانیده اولسون برقرار .
سایه شاهانه سنده اولدی عالم فیضیاب .
عمرینی اجلالنی افزون ایده پروردگار .



عمر واجلال هایوننی افزون ایتسون ،
دمبدم حضرت سلطان حمیدك الله !
اولوور جمله یه اول نیر عدلك هرکون ،
کرمی ، معدلتی ، مرحمتی ، لطفی پناه .




دوغدی دوغالی کورمدی خورشید منور ،
شاهنشہ دوران کبی برمهبر عدالت .

تقدیس ایدرز حضرت سلطان حمیدی .
 عالمده اودر نیر رخشان خلافت



شهنشاه جهان سلطان حمید معدلت پیرا ،
 دمادم لطف ایله شاد ایلور ارباب عرفانی !
 الهی ! حشره دک اولسون اوسلطان کر مکارک
 وجود یله مشرف تخت، عالی بخت عثمانی .



— حسن ایترا —

روز جلوس حضرت خلافت پناهی


صبحدم دوغمش کورونجه آفتاب انوری ،
 نوردن یکپاره بر آینه صاندم خاوری !
 جویه دوشمش نونهالانک کوزل باراقلمی .
 جوپی اوقشار کلشنک بادلطافت پروری .
 آسمان مائی ، بولوتلرپنبه ، زرین آفتاب .
 هانکیسندن خوشلا نیر استانبولک شاعر لری ؟
 نشر انوار ایتدی خورشید جهان ظن ایله دم :
 مشرقک اوستندد دوغمش صیرمه صاچلی بربری !
 بر سماوی رنگ ایله اظهار شوق ایلر ایدی ،
 صاف ایدی استانبولک بحر لطافت کستری .
 بر الهی شعله قیلدی غرق انوار خدا ،
 آسمانی ، خاکدانی ، کاستان احضری .
 بر بهشت آباد ایدی خرم بهار کائنات .
 جو بیبار ایلر ایدی تنظیر کویا کوثری .

- رهوای دلفریب ایلردی تعطیر مشام .
- نشر ایلردی آسمان دنیایه بوی عنبری .
- نورلره کائنات اولمش بتون زینت فزا .
- کورمه یئرلر وار ایسه کورسون بو کون زیب و فری .
- نوره غرق اولمش جهان ، انوار ایچنده آسمان .
- آسمانه خاکدان بخش ایتدی زیب و زیوری .
- برده باقدم که بوروز پرضیا تنظیر ایدر :
- روز فیروز جلوس پادشاه اکبری .
- اول شهنشاه جهان آرا که فرق پاکنک ،
- کائنات آفتابی اولسه لایق افسری .
- افتخار ایلر ایدی دنیایه قارشی تا ابد ،
- چاکر دیرینه سی اولسه ایدی دهرک قیصری .
- سلطوتی ، علویقی ، قدسیتی حیران ایدر :
- زالك اوغلو رستمی ، دارا ایله اسکندری .
- اولدی رشک انداز افعالی هزاران کشوره .
- قیلدی مجلوب کمالانی هزاران کشوری .
- حضرت سلطان حمید پر عدالت کیم آنک ،
- هر ایشنده فیض الطواف خدادر رهبری .

- پادشاه معدلت پیرا ، شهنشاه جهان .
- تاجدار ملك شان ، عسكر لرك تاج سرى .
- ايله دى لطفى بهارستان شرقى غرق نور ،
- بر بهشت آباد فيض ايتدى جهانده هريرى .
- قىلدى متدارى لطفيله هر اهل دانشى .
- وارمى بويله عالمك شاهنشاه دانشورى ؟
- اويله بر شاه جهان آراى وعالى كيم اولور ،
- هرايشنده لطف خلاق جهانك مظهرى .
- حصه ياب عاطفتدر چاكر ديرينه سى .
- فيضياب مفخرتدر بنده فرمانبرى .
- آفتاب برج دولتدر اوشاه كامكار .
- پرتو افزادر نجوم آسمانه لشكرى .
- مجمع فيض هدادر ذات قدسى طينتى .
- مطلع نور خدادر طالع سعد اخترى .
- نام پاكى شعاعه پاش اولمقدهدر هرعالمه .
- نوره مستغرق ايدر عنوانى هرآن منبرى .
- ششجهاتى پنجه در دو المدين حفظ ايچون ،
- سايه صالحدى عالمه عدل هايون شهبرى .

- ہر زمان برماہتاب ایلردی دھری شعلہزار .
- ماہ پرتو آور اولسہ جوہر انکشتری .
- خاکدانی کوردیکی کوندن بری چشمان چرخ ،
- کورمہ مشدر اویلہ برسلمان قدسی پیکری .
- اول شہنشاہ جہاندہ اجتماع ایتش همان .
- ذات پاک دھری تشریف ایتدیکی کوندن بری :
- فکری عثمانی ، ابوبکرک علو طینتی .
- عدل فاروقی ، کالات جناب حیدری .
- ای شہنشاہ جہان ای آفتاب معدلت !
- سنسین انجق پادشاہان جہانک سروری .
- عالم نور اولدی عالم سایہ لطفکده ہپ .
- پرتو سطوتلہ تنویر ایلدک بحروبری .
- عسکرک ایتمانی قیلدک سرور آور بوتون .
- پادشاہم ! ایلدک احیا عموماً عسکری .
- لطف واحسانک غریق حیرت ایلر حاتمی .
- زردہ قالدی آرتق آثار عطای جعفری ؟
- برق اورونجه لمعہ پرتو نثار سطوتک ،
- آسمانک شرمسار اولدی نجوم ازھری .

- کوسـتروب دنیـسایه اثر پا ککی پیغمبرک ،
- ای خلافت مہری ! خوشنود ایلدک پیغمبری !
- ایتمہ تطویل مقال ، عرض دعا قیل ای جلال !
- عرش رحمانک اودم آمین دیسون قدسیلری .
- عمرینی ، اجلانی اللہ مزداد ایلسون .
- ملکی احیا قیلسون آثار عدالت پروری .
- کوکانی شاد ایاسون لطف جناب کردکار .
- فیض روحانیت پیغمبر اولسون یاوروی .



ولادت لہنایوزده شهر آینه دائر

- شہنشاہ جهان عبدالحمید عالم آرانک ،
- بوکون زیب آور مہد اولدینی عید سعادتدر .
- ایدر ہر عالمی انوار فیض وشوقہ مستغرق .
- بزہ عید سعادت روز فیروز ولادتدر .



• کوستردی خلقہ عبد منیر سعادتی .

سلطان عالمك ينه لیل ولادتی .



- مهر اولدی مطلع نور ازل .
- عالمی مستغرق ایتدی یالیزیه .
- لمعه نواری غایت بی بدل .
- اختران رشك ایتسه لایق ییلدیزیه .



- بوسرور عالمی پرتوه مستغرق ایدن ،
- نور علویّت سلطان کرم پرور در .
- قدرینی ایله تفکر بوشب نوآرك .
- رشك ایدن حاله خورشید ضیا کستر در .
- اولدی بر مهر جهانتاب عظیمه مطلع .
- بوکیجه سرتسر عثمانیلره خاوردر .
- بوکیجه ایله دی تنویر بوتون آفاقی ،
- اوتمهشه که بوتون عالمه نور آوردر .
- مهر تابان ذ کاسندن آلیر عالم نور .

مهر تابان ذکایی او قدر انور در .



هرلمه شوق عالم افروز ،
 چیمقده جهاندن آسمانه .
 کورسون لمعات اعتلانی .
 رشک ایلسون آسمان جهانانه .



زمین دیر : ای جهان آرا دکیزلر !
 دوغار بر گوشه دن بیک آفتابیم !
 دکیزدیر : ای زمین پیرا مشاعل !
 سزک انوار کزدن حصه یابیم !

روز ولادت جناب شهرباری

ای روز ولادت شهنشاه !
 علویتیکه تبارک الله !
 ای عید سعادت اعلی !
 ای مطامع تیر معالی !

ای صبح منیر پر لطافت !
 ای عید لطیف پر سعادت !
 بر نیری، ایله دك كه اظهار !
 هر عالمی ایتمدی غرق انوار .
 هر شعله سی مهر اعتلادر .
 پیرایه لوحه سمادر .
 ای لیل مقدس و منور !
 هر اخترك آفتابه بکزر .
 باقدقچه شعاع مهردینه ،
 رشك ایله دی آسمان زمینه !
 انوار آقیور مناره لردن .
 پرتو یاغیور ستاره لردن .
 دوغدی بوشب، ایردی دهره انوار
 بر پادشه ستوده اطوار .
 دولشدر عدالتیله عالم .
 فاروق ایله معدلته توأم .
 یوق مثلی جهانده برکرمور .
 تاریخ بوکا شهادت ایلر .

عاویتنه یتر بو اثبات :
 مقصودی تجدد کلمات .
 جوآله احتشامی هر آن ،
 خورشید جهانہ شعله افشان .
 سلطان حمید خان غازی ،
 سرور لڑک اولدی سرفرازی .
 خورشید خلافت مقدس .
 تقدیسه کلیر اوداتی هر کس .
 اثر نبویده عادلانه ،
 کوستردی عدالتی جهانہ .
 آفاقی ایندن بورتبه روشن ،
 بر بارقه زر ذکاوتندن .
 دورنده معارف اولدی عالی .
 کوندن کونه ایلدی تعالی .
 مکتبلر آچیلدی پک مکمل ،
 فکر ایله که بویله میدی اول ؟
 ای پادشه عدالت افزا !
 برماتی لطفک ابتدی احیا !

مانند آفتاب رخشان ،
 هر کوشه بی ایلدک درخشان .
 اوصاف که هیچ غایت اولماز .
 علویته که نهایت اولماز .
 پر نغمه قیلر مالی وصفک .
 بر بلبیل ایدر جلالی وصفک .
 هر نغمه سی باشلار اعتلایه .
 اخلاص ایله باشلایم دعایه .
 ایلر اودعای پاکی از بر ،
 آمین دیمکه قوشار ملکدر .
 ای خالق ارض و آسمانک !
 سلطان حمید کامرانک ،
 قیل کوکانی پر سرور و خندان .
 اقبالی دایما درخشان .
 هر ثانیه ، هر زمان و هر دم ،
 دینسون اکا پادشاه عالم .



— عرصه شکرانه —

شایسته تقدیسین ای روز درخشان !
 ای عید سعادت یاقیشان صبحکه عنوان !
 اجلانی کوردجکه دوشر غبطه یه خورشید .
 اولدجه اولور پرتو اجلالی فروزان .
 فرمان هایوننه دلبسته عوالم .
 امر ایسه بیک کشور اولور تابع فرمان
 ای پادشه معدلت آرا کر مکدر ،
 هر قلبی ایدن لطف هایون ایله شادان ،
 دلخسته لری معدلتک ایلیور احیا .
 یچاره لک لطفک اولور دردینه درمان .
 اوصاف هایونکه قابلمی نهایت ؟
 بیکلرجه سخنوردخی کر اولسه شناخوان .
 ال آج ده جلال ایله دعا شاه جهانیه .
 قابلمی اوله وصف هم هایوننه پایان ؟

لطفکله شهنشاه کرم پروری شاد ایت .
 ای خالق هر عالم اولان حضرت یزدان !
 قیل تحت همایونی وجودیله شرفیاب
 الطافک ایله ایله شه عالمی شادان

توصیف حضرت یارم‌الهی

- حضرت سلطان حمید کامران
- اولدینی کون‌زیب تحت عز و شان
- آجدی بردور ترقی شان ایله
- انجلای نیز عرفان ایله
- اولدی یاور عزمنه لطف‌خدا
- بویله برس‌سلطان سطوت انما
- پرتو لطفندن اولسه حصه یاب
- تا ابد خندان اولوردی آفتاب
- ماه تا بان جهان مرحمت
- آفتاب آسمان معدت

- دور عدل تاجداری برصباح .
- آنده هر پرتو سمای انشراح .
- لطفی بردور ادب ایتدی کشاد .
- همتی کیشور کشای عدل و داد .
- سایه سنده ایله دک کسب مسار .
- بختیازز بختیازز بختیازز ،
- اولدی اول سلطان قدسی امتیاز .
- پادشاهان جهانه سرفراز .
- قلمادی دلارده غمناک ارتباط .
- اولدی دوری کاستان انبساط .
- جبهه سنده نور عرفان ملت مع .
- آنده اخلاق حمیده مجتمع .
- عدلک هر لمعه می مهر کرم .
- منکنک هر گوشه می باغ ارم .
- ایلمش لطف جناب مستعان .
- طبعنی کنجینه انوار شان .
- اول عدالت نیری ، اول پادشاه .

- جمله به الطافنی قیلدی پناه .
- دولتی لطفیله اعلا ایلدی .
- متی عدلیله احیا ایلدی .
- وصفنه پایان آنک امر محال .
- صدق ایله عرض دعا قیل ای جلال !
- ای جهانی وار ایدن پروردکار !
- ایله اول شاه جهانی پر مسار .
- حشره دک ویرسون او شاه کامران ،
- تخت عالی بخت عثمانی به شان .



— عیدیه، بهاریه —

دوغدی هلال انور اولدی بوکون نمایان
 فصل بهار ایچنده دیدار عید تابان .
 بریانده برچمنزار ، بریانده آب جاری !
 بریانده عید انور ، بریانده برکستان

بالای کوهساره چیمش ده سیره دالمش :
 خورشید عالم آرا اولمقدمه درخشان .
 بیک کره بارک الله ای نوبهار حضرت *
 بیک کره صانک الله ای عید شعله افشان !
 برنوعروس حسنی تنظیر ایدر سموات !
 رنک شفق ، سحاب آفاقه اولدی دامان !
 وجه میر آفاق دریاه پرتو آور !
 حسن لطیف نیسان کللر ایچنده خندان
 تعطیر ایدر زمینی کللر آچار چمنده ،
 چشمان آسماندن برژاله اولسه ریزان !
 ای عندلیب خوشکو ! - الحانکه دوام ایت !
 ای جویبار ! خاموش بلبلر کدر افغان !
 اولدی بهار رنگین بایرام ایله هم آغوش !
 اینسون جهانه کورسون شوق بهشتی رضوان !
 هرژاله پرسرائر هرغنچه پر بدایع !
 کلزار اولسه لایق شاعر لره دبستان !

برشاعر طبیعی اولمازمی بر کوزل قوش ؟
 هر کون طابوعه قارشى قوشلر اولور غز خوان !
 بی چاره عندلیبه بر طاتلی جلوه ایلر !
 یپراقلرک ایچنده اولمش منکشه پنهان !
 اولدق جمالکزدن مستغرق لطافت ،
 ای لیل عید انوز ! ای صبح صاف نیمان !
 اوصافکرده لایق هر فکره ویرسه زونق !
 نثر جدید ترکی ، شعر عتیق ایران :
 خورشید کرده منظور قدسیت زلیخا !
 مهتابکرده مستور دیدار ماه کنعان !
 کل ماهتاب ایچنده : بر آل یاناقلی دختر !
 سنبل صباحه قارشى : برمائى کوزلو جانان !
 کز مکده بر بری روفصل بهار ایچنده !
 کویا که بر کبوتر اولتمده در خرامان !
 اوراق کلسستانی یوس ایلیور دمام :
 یا ذره ذره شبنم یاقطره قطره باران !
 تشییع ایدر غروبی آهنگی جویبارک !
 آفتابیلار آفتابی هر دالده عندلیبان !

- بو عیدہ . بو بہارہ شبان ایدر محبت :
 فصل بہارہ بکزر عید حیات شبان !
 ایلہ بہار و عیدی یار اقلر کلہ تبریک ،
 آرتق تموج ایہ ای دامن خیابان !
 کولدی زمین صفادن پرتو یاغاز سماندن !
 ہم کوهسار مسرور ہم لالہ زار شادان .
 شعرم تجدد ایتدی باقدجہ نو بہارہ .
 اولمازمی شاعریت کلزارہ قارشی حیران ؟
 اول شوقہ قارشی نا گاہ جوش ایلہدی طبیعت .
 ایتدم بوسوز لرملہ تقدیس شاہ دوران :
 اول پادشاہ عالم اول عادل جہان کیم ،
 امثالنی جہانده کورمش دکدر انسان .
 اول مہر احتشامک دور عدالتندہ ،
 مہجور دست شکوا اولمقدہ ہر کریبان .
 لطفیلہ سایہ سندہ غرب ایتدی شمرقہ غبطہ .
 فرط ذکاوتیلہ ہر مشکل اولدی آسان .
 ہر کون ایدر عالی تقیل خاکپاین .
 ہر دم اولور اہالی دلسیر لطف و احسان .

- احسانده مرحمتده الطاف ومعدلته
- اول شاه بی مثاله یوقدر جهانده اقران .
- فیض خلافتدن پیغمبر اولدی خشنود .
- آباد ایدر سخاسی بر مسجد اولسه ویران .
- کنج عنایتده ابحار در ناچیز .
- دریای رأفتده بحر محیط برکان .
- خورشید معدلدر علویتی عیاندر .
- اول شاه پر ذکادن اولمقده در نمایان :
- صدق جلیل صدیق عدل عمیم فاروق .
- عزم متین عثمان الطاف شاه مردان .
- سلطان بیدانی عبدالحمید غازی .
- الطافه دمادم واجیدر عرض شکران .
- لطف وحمایتله شاد اولدی اهل اسلام .
- دور عدالتده محو اولدی درد و افغان .
- قلبنده شعله زادر فیض رسول اکرم .
- وجهنده منجلیدر نور لطیف ایمان .
- شان ویردی سایه سنده علویت معارف .
- دور یله باشلامشدر دور جلیل عرفان .

- هر صاحب ذکایه بدل مروت ایلمر .
- لطفیه مفتخر در هر شاعر سخندان .
- نام کرم نشاری سر لوحه معالی .
- عنوان تابرداری قانون شانه عنوان .
- خورشیده صاچدی انوار شمشر تابرداری .
- بالای آسمانه پیرایه اولسه شایان .
- ایلمر بوتون کوکللمر تقدیس پادشاهی .
- تزین ایلمر لسانی اوصاف پاکی هر آن .
- از جمله بن ده یازدم بو نظمی عاجزانه .
- ای پادشاه عالم ! ای شهر یاز ذیشان !
- هر دمده ذات پاک توصیف ایچون افندم ،
- الله شاهد مدر کیم ایتم آه و پیمان .
- اجداد مزده صادق احقاد مزده صادق .
- افراد خاندانم اولسون یولکده قربان .
- پایان بولورمی خامه م وصفکده پادشاهم ؟
- یوق مدحکه نهایت بر بجره صیغماز عمان .
- ال آچ جلال ! باشلا عرض دعایه غیری .
- اوصاف شهر یازی اولماز قرین پایان .

- ای عالم زهینی اشغال ایدن کواکلمر !
 ای آسمان ایچنده تیکیر آلان شروشان !
 • بن باشلایم. دعایه آمین دیک سراسر .
 • دولسون اونغمه لرله عرش عظیم یزدان .
 • عبدالحمید خانی تختنده برقرار ایت .
 • یارب ! بحق معراج یارب ! بحق قرآن .
 • ای حاکم عوالم ! اول پادشاهک ایله ،
 • اقبالنی درخشان اجلالنی فراوان .



— روز فیروز جلوس همایون —

- ای شهنشاہ فلک مرتبه خورشید اقبال !
 • روز فیروز جلوس کله شن اولدی عالم .
 • چوق یاشا پرتو الهام خداوند ازل ،
 • قلب پر نور وها یونکی قیلسون خرم .



ایکسچی قسم

— عثمانی تاریخندن بر قاج صحیفه —

سلطانہ عثمانہ غازی

ای مرقد غازیء سر افراز !
 ای مقبر قہرمان ممتاز !
 ای مطلع نیر جلادت !
 ای مشرق آفتاب سطوت !
 ای خاک مقدس و معزز !
 کو کلم سنی کائناتہ ویرمز !
 سینہ کده یاتان جناب عثمان ،
 سینہ کده کی آفتاب رخشان ،
 تاریخمزمک ایچندہ مسکون .
 اک شانلی صحیفہ سندہ مدفون .
 سینہ کده کی نیرک معزز .
 اجرام سوز ، فقط اوسونمز .
 ای خوابکہ امیر دولت !

- فکر آسنی ایله دم زیارت .
- تاریخ او قویور ایدم کچنده .
- رحس غریب او یاندی بنده .
- ایتد کجه وقایعی تصور ،
- عثمان بکی ایلدم تفکر .
- اول شیر عظیم هیبت افزا ،
- پیش نکهمده اولدی پیدا .
- باشنده برافسر جلادت .
- وجهنده نشان غالبیت .
- تعریفنده جسارت ایستر :
- هیبتلی ، یالین قیلجلی برار .
- شمشیری کلنجه اهترازه .
- باشلادی صواعق احترازه .
- هر شعله سی ملکشان ویرردی .
- بر بارقه دن نشان ویرردی .
- شمشیری بویانسه خون آله ،
- بکزردی شفقده برهلاله .
- عز مننده ثبات ایله ، باهی .

عز منندہ نبات لاتناھی .
 ایتمشیدی او قہرمان دوران ،
 قوس قزحی الندہ قالقان .
 کیردکجہ نیامہ تیغ رخشان ،
 کویا طوتیلوردی مہر تابان .
 میل ایلسہ کاه التفاتہ ،
 برنشئہ کلیردی کائنااتہ .
 قیلسہ غضب ایتمکہ تمایل ،
 دارالر ایدردیلر تنزل .
 اجلال ایلہ یوکسلیردی ہر آن .
 ہرطوری براعتلایہ برہان .
 بو بیتنی بر ادیب دانا .
 کویا اکا قارشی قیلمش انشا :

« یوکسلدی اورتہ کیم مفاسک ، »

« عرسہ اولدی سہریر اجتسارک ! »



سلطانہ عثمانہ غازی لسانندہ

اغتراب ایت رشک ایلہ سندن کوزلندر افسری .
 کورمدکی ای کونش ! قارشکدہ کی جنک آوری .

خاوری ترین ایچون سن زرده قالدك ای قمر !
 سندن اول پرتوتیغم دوناتدی خاوری ؟
 اعتلادن دم اورورکن ای جبال پرغفور !
 اوستکردن آشدی ارطغرل بکک عسکرلری !
 ای یشیل صحرا ! اطاعت ایتمیدك امرمه ،
 ضربه تیغمدن اوستنده کوروردك محشری .
 اوپله هر آن منت ایتزدك هلاله ای فلک !
 اقتدارك اولسهده آلسهك الیمن خنچری .
 سن نیجه اسکندری کوردك ، کچیردك جویبار !
 سوپله کوردکی بنمشکلده براسکندری ؟
 آرقداشلمر ! سعی ایدك هر کون جهاده نام آک .
 ایلدك خوشنود براللهی ، برپیغمبری .



غازی سلطان عثمانیه مضمونلری لسانده :

هوای صید ایله صحرا لری ایتدیجه بن مسکن ،
 کوروردم هر کون استمداد ایدرلردی شیرلر بندن .
 اولورکن ناو کم هر کیردیکی یردن صدا افکن ،

شکار یتر عشق اولدم جهانی صید ایدرکن بن .
کل ای آهوباقیشلم کل ! بنم صیادم اولدک سن !

§

اورورکن عالمی دستمده کی شمشیر شاهانه ،
شهنشاه محبت باشلادی حکم ایتمهک جانہ !
اور اولدم تا کوکلدن بر نکاه ایتدک غریبانه !
شکار یتر عشق اولدم جهانی صید ایدرکن بن .
کل ای آهوباقیشلم کل ! بنم صیادم اولدک سن !

§

نصل آتش فشاندنر باقدک تیغمده کی رنکه .
نکاه ایتدک ده بر کیر پیک سوزوشله باشلادک جنسکه !
نیجه حکم ایلدک کوکلم کبی برشانلی اورنکه ؟
شکار یتر عشق اولدم جهانی صید ایدرکن بن .
کل ای آهوباقیشلم کل ! بنم صیادم اولدک سن !

§

جهانه باش اکر می بویله بر مرد جهان ؟ سویله !
اسیر آفتاب حسن اولور می قهرمان ؟ سویله !
نیچون قوردک بودامی ای غزال حسن و آن سویله !
شکار یتر عشق اولدم جهانی صید ایدرکن بن .

کل ای آهو باقیسلم کل ! بنم صیادم اولدک سن !

§

یاقوب دل بر جنه مشعللرک سور همیون ایت .
 اگرایسترایسه ک جان یوردینی مستغرق خون ایت .
 براز مژگانکک مزر اقلریله قلبی ممنون ایت !
 شکار تیر عشق اولدم جهانی صید ایدرکن بن .
 کل ای آهو باقیسلم کل ! بنم صیادم اولدک سن !



یاره لر آلدی دل غم فکنم !
 ناوک عشقه نشان اولدی تم !
 عجبا قلعه می صاندی بدتم ؟
 بریکیت کوکلی فتح ایتدی بنم !

§

زور بازوسنه ، تدیرینه باق !
 شهرت شدت شمشیرینه باق !
 شدت پنجه تسخیرینه باق !
 بریکیت کوکلی فتح ایتدی بنم !

§

کو کلک ضبطنه یوقکن امکان ،
 کلدی ارطغرلک اوغلو عثمان ،
 کشور فکرمی قیلدی تالان !
 بریکیت کو کلی فتح ایتدی بنم !

§

ایتدی اول رستم صاحب شمیر ،
 بنی برطانی اسارتله اسیر !
 آه وجدانی قیلدی تسخیر !
 بریکیت کو کلی فتح ایتدی بنم !

§

سونلیک تیغینی آصسون بلینه !
 بنی دنیا کی آسون الینه !
 زلفنک جان ویریم برتلینه !
 بریکیت کو کلی فتح ایتدی بنم !



مغبر نگاهک پر غضب ، چهره ک جلادت انما !

شمشیرالکدہ پک مہیب کور مکدیم ہر شب سنی !
 فتح ایلہ دکدہ آمادک کو کام کبی برقلعہ ہی !
 سینہ مدہ کی اور نکہ باق اللہ ایچون کل آل بنی !



— مظاہرہ اور زمانہ غازی حضرت تیرینہ —

- نام کی تاریخچہ مرد جہانگیر ایلہ دک
- زالی یا قدک ، رستمی مغلوب شمشیر ایلہ دک
- شرق و غربی برق شمشیر کلاہ تنویر ایلہ دک
- قہر مانلر قہرمانی ! دھری تسخیر ایلہ دک



- ویردی حیرت عالمہ نور شکوہ دولتک
- اولدی رشک انداز عینہ نور سطوتک
- صفحہ تاریخی ترین ایلہ دی علویتک
- قہر مانلر قہرمانی ! دھری تسخیر ایلہ دک



- ایله دی سایه کده ایشته اعتلا عثمانیلیر
- اولدی هر کون مظاهر لطف خدا عثمانیلیر
- افتخار ایلر سنبله دائما عثمانیلیر
- قهر مانلر قهر مانی ! دهری تسخیر ایله دک



- بکز دمن جنکک سنک هر تمهر مانک جنککنه
- باش کسر دی آسمان شمشیر یکک آهنکنه
- بخش رونق ایله دک عالمده شان اورنکنه
- قهر مانلر قهر مانی ! دهری تسخیر ایله دک



- نامنی محوایتدی شانک کی قبادک، قیصرک
- وارمی کورمش منلکی؟ ای قهر مانی لشکرک !
- ایشته تاریخ، ایشته اجر آتی اسکندر لرک
- قهر مانلر قهر مانی ! دهری تسخیر ایله دک



بر صاحب حسن و آندر اورخان !
 بر بارقه جهاندر اورخان !
 بر صاعقه دن نشاندر اورخان !
 بر طاغ کبی قهرماندر اورخان !
 شاهنشاه ملک جاندر اورخان !



اورخان کبی بن ده توجوانم !
 دیدارینه قارشی بی توام !
 محو اولدی محبتیه جانم !
 کیم دیر ا کا قارشی قهرمانم !
 بر صاحب عزوشاندر اورخان



شمشیری نصلده شعله افشان !
 مانند هلال اولور درخشان !
 وارمی او قدر شفقده الوان ؟
 خندان یوزی ، تیغی اغلادیرقان !

بخشی کورونور ، یماندراورخان !



اول سرور زمره اعظم ،
 فتح ایله دی قابم اولدی حاکم !
 سینه مده اولسه آه قائم !
 اول تیغ ایله حاکم عوالم ،
 اول حسن ایله دستاندر اورخان !



اورنک دلم سریری اولسون !
 قلمده آنک اسیری اولسون !
 سودالیرک شهیری اولسون !
 جان یوردی نشان تیری اولسون !
 آلسون بنی ، نوجواندراورخان !



— آياصوفيه —

- مسجده ايتمش تحول كورشو ديرك حالى .
- كوسته ر برپادشاهك قدرت واجلالنى .
- باق شوهيتلى حصارك ذروه اقبالنه .
- ايله مزى فاتحك تصوير استقبالى ؟



— مضرت نافع —

- آفاقى طوتدى نام جهانكبرى فاتحك .
- دنيانى آلدى نچه تسخبرى فاتحك .
- بر بارقه نمونه سيدر نور خنجرى .
- بريلىدريم نشانه سيدر تبرى فاتحك .
- تنظير ايدر غريو وچكچاك محشرى .
- قان آغلادير عدوسنه شمشبرى فاتحك .
- اقبال وشانى ايله دى كىدكجه اعتلا .
- قالدى سماده موقع توقبرى فاتحك .
- خوشنود قالدى روح عزيز محمدى .
- عكس ايتدى عرشه غلغل تكبرى فاتحك .



— فاتح سلطان محمد غازی حضرت ندرینه —

- ای شان مجسم یاقیشان تیغکه عبوان !
- فتح ایله دیکک کشوره باق، شانکه برهان !
- سیفیکله غزا عالمک حیدری اولدک .
- خامه کله ادب مکتبتک سروری اولدک .
- سیفیکده کی الوان شزا عالمه شاندر .
- عرفانکه فیض قلمک شانلی نشاندر ،
- امدادینه سیفک کلیر اصحاب غزایک .
- خامهک یازار اوصافی صنف شهدانک .
- برصاعقه درسیف جهانکیر و جلالک .
- بربارقه درخامه تابنده مالک .
- کوک سیفکه ایتدکجه فدانور هلالی ،
- یرخامه که تقدیم ایدر ابکار خیالی .
- اسکندره میدان او قور اول سیف سرانداز .
- تغیلمی محجوب ایدر اول خامه اعجاز .
- سیفک که اولور شعله زن عالم افلاک ،
- هر بارقه سی رشک ایله خورشیدی ایدر چاک .


خامه‌ك كه ايدر شعر ايله آغازه تنزل ،
 كلزار محبته ويرر جانی بلبل !
 ای برج شجاعته دوغان نیر اقبال !
 آغوشنه آلمش سنی علویت واجلال .
 ای صاحب عز و شرف نامتاهی !
 تنویر اییدیور مرقدیکی نور الهی !
 « بالاده سحائب سنی ایلر کی اضمار . »
 « ای صف ملائک یاقیشان قبریکه دیوار ! »
 بر مملکتک فتحه اولدک که موفق ،
 هر گوشه‌سنه باغ ارم دینسه‌ده الیق .
 صحراسی شفقدن دها دلبر ، دها شیرین .
 دریاسی سمان دهمائی ، دهارنکین .
 برحوض بهشتی یری جای ایتدی صانیرلر ! .. صانیرلر
 دریاده پر یلر کیجه کوندز ییقانیرلر .
 کیدجه یشیل جامه‌لری شوق ايله باغلر ،
 بلبلری فریاد ایدر ، ایرماق‌لری چاغلر .
 دلخسته‌لره روح فزا آب وهواسی .
 کویا که جناندن کلیور باد صباسی .

وقتا که ایدر مشرقک اوستنده نمایان ،
 کردونه اجلالنی خورشید درخشان ،
 کاشنده اولور بادضا زمزمه پرور .
 کویا که فیصلدار کبی جتنده پریلر .
 قوشلراوتوشور مهر ضیا پروره قارشی .
 کلر قزاریر مشرق شوق آورده قارشی .
 کاشنلرینک غنجه لری ، لاله سی باشقه .
 اینجولری تنظیره اینن ژاله سی باشقه .
 بر صبح بهاریده آجیلدقجه چیچکلر ،
 آهسته روشله اوچوشورلر کلبکلر .
 خورشیدک اولور بر قعی برپنه سجابه .
 برپنه سجابه براقیر عکسنی آبه .
 بر یانده دکیز نوردن آینه صفوت .
 بر یانده چمن لوحه رسام طبیعت .
 بر یانده سحر ابر شفق فامه بورونمش .
 بر قیز کبی کیم قیرمزی احرامه بورونمش .
 استانبولی تعریف ایدن اصحاب طبیعت .
 لایق دیسه هر روضه منه : روضه جنت .



— رَبِّ يَا كَ حَضْرَتِ خَالِدِ —

خاک پاک حضرت خالد بولوندی مژدہ لر!
 مژدہ لر ای عالم بالادہ کی لاهوتیان!
 مرقد تابانی نور الہی دولدورور.
 اقتباس فیض ایندر آندن بتون ناسوتیان.



— یازر سلطانہ سلیم اول —

علویتی دہری قیلدی تسخیر.
 شمشیری جہانی ابتدی تدمیر.
 ہر وجہلہ ذاتیدر جہانکیر.
 ایتمشیدی ایکی جہانی تسخیر:
 بر الدہ قلم ، بر الدہ شمشیر.



ہر کون قوپاریردی برقیامت ،
 دستندہ کی خنجر شجاعت.
 اسلوب بیانی پر لطافت.
 ایتمشدی ایکی جہانی تسخیر:
 بر الدہ قلم ، بر الدہ شمشیر.

ایتمشدی ایکی جهانی تسخیر :
برالده قلم ، برالده شمشیر .



آنارینی شان ایله یازاردی .
برشانلی لسان ایله یازاردی .
اشعارینی قان ایله یازاردی .
ایتمشدی ایکی جهانی تسخیر :
برالده قلم ، برالده شمشیر .



اعداسنی پر فغان ایدردی .
عسکر لره بخش شان ایدردی .
شاعر لری شادمان ایدردی .
ایتمشدی ایکی جهانی تسخیر :
برالده قلم ، برالده شمشیر .



- حیرانی اولوردی جمله شاهان .
- جنکیله عدویی قیلدی نالان .
- شعریله قلبی ایتدی کریان .
- ایتمشدی ایکی جهانی تسخیر :
- بر الده قلم ، بر الده شمشیر .



— دیگر —

- الحق جهانہ قارشى کوستردک اقتداری .
- ای آسمان شانک مهر ضیانشاری !
- جلب ایله دک دمام الطاف کردکاری .
- ای تحت احتشامک سلطان کامکاری !



- آهنک تیروشمشیر دولدوردی آسمانی .
- تیغکده کی تنور اولدی غزا نشانی .
- القای دهشت ایتدک لرزان ایدوب جهانی .

ای تخت احتشامک سلطان کامکاری !



رکز علم ایدنجه میدان اقتداره ،
 اولدی قلوب دشمن تیغکله پاره پاره .
 دنیایی ایله دک تار اعدای خاکساره .
 ای تخت احتشامک سلطان کامکاری !




عزمکده کی منانت رشک آور جهاندر .
 فکرکده کی سلامت، علویته نشاندر .
 شعرکده کی سلاست رشک آور جهاندر .
 ای تخت احتشامک سلطان کامکاری !



پیغمبری سوردک الله ایدی پناهک .
 معطوف ایدی دمام یوکسکله نگاهک .

مجلوب ایدک سایه عرش اولدی جلوه کاهک .
 ای تخت احتشامک سلطان کامکاری !



— زیارت مرقد سلطان سلیم اول —

ای مرقد پرتو فشان !
 نور آلدی سندن آسمان .
 زائر لرك لا هوتیان .
 سلطان سلیم قهرمان ،
 آغوشکه ویرمکده شان .



ای مطامی علویتک !
 ای جلوه کاهی سطوتک !
 ای قبه کاهی دولتک !
 علویتکدر شهرتک .
 سلطان سلیم قهرمان ،
 آغوشکه ویرمکده شان .



نورك تبسم ايله يور .
 جسم تهاجم ايله يور .
 خالك تكلام ايله يور .
 هيچا تجسم ايله يور .
 ساطان سليم قهرمان ،
 آغوشكه ويرمكده شان .


بیت

پر نور اولورسك صبح و شام .
 انواريكه كلز ختام .
 فخر ايت الى يوم القيام .
 اي بختيار ، عالی مقام !
 سلطان سليم قهرمان .
 آغوشكه ويرمكده شان .

بیت

اتمكده در صبح و مسا ،
 فوقكده قدسیلر دعا .

نور اول جهان انجلا !
 نور اول مکان اعتلا !
 سلطان سلیم قهرمان ،
 آغوشک ویرمکده شان .



— قانونی سلطان سلیمان لسانیده —

- ای دشمنم ای دشمنم ! شمشیر قهرم قانلیدر .
- بکزر هلال سطوته دستمده خنجر شانلیدر .
- تکریم ایدر شیمدی بنی هرکیمسه که اذعانلیدر .
- برکره دقت ایت بکا قارشکده کی عثمانلیدر .



- هم عاقلم هم عادلم اسلامی توحید ایله دم .
- اسلافک افغانی هر دمه تسعید ایله دم .
- تأدیباچون دشمنلری دنیایی تهدید ایله دم .
- برکره دقت ایت بکا قارشکده کی عثمانلیدر .



سویله بکا الله ایچون کوردکی بویله عسکری ؟
 کورسهک بیه یوق فائده دارا کبی جنک آوری .
 یکمش زمانی ائمه یاد آرتق اونوت اسکندری .
 برکره دقت ایت بکا قارشیکده کی عثمانلیدر .



اعلای دین ائتمک ایچون امر ایله دی پیغمبرم .
 دنیایی تنویر ایله دی شمشیر پرتو آورم .
 پنجه مده عالم تریبور بر عسکر اوغلو عسکریم .
 برکره دقت ایت بکا قارشیکده کی عثمانلیدر .



علویتی اظهار ایچون ایتدم فدای جان وتن .
 کورمز میسین که طوپلرم اولمقده در آتش فکن ؟
 قان داملیور قان داملیور دستمده کی شمشیردن .
 برکره دقت ایت بکا قارشیکده کی عثمانلیدر .



— یلدیرم سلطانہ بایزید اول حضرت ندرینہ —

ای تینی ایله شعله زن عالم افلاک !
 ای عالمی تسخیره کلن سرور دراک !
 قیلدک یجه بیک دشمنکک سینه سنی چاک .
 باشدن باشه ذولدوردی سمواتی چکاچاک .



دستکده تنور ایدرک خنچور تابان ،
 خورشید کبی سلطنتک اولدی درختان .
 اولدقجه دمام قلیجک صاعقه افشان ،
 باشدن باشه دولدوردی سمواتی چکاچاک .




تتره تدی بوترون دشمنی دستکده کی شم شیر .
 تیرک قیلیور لوحه علویقی تنویر .
 جنکک ایدی نور ولوله محشری تنظیر .
 باشدن باشه دولدوردی سمواتی چکاچاک .



- تیغ کورونوب دشمنه آشله ایچنده ،
- صحرای جهان قالدی اودم محشر ایچنده .
- برشانی غریواولدی عیان عسکر ایچنده .
- باشدن باشه دولدوردی سمواتی چکاچاک .



- ویردجه بر از رخس هایونکه سرعت ،
- خورشیدی غبار ایلهدی آلوده ظلمت .
- صبر صیلدی جهان صانکه اودم قویبدی قیامت .
- باشدن باشه دولدوردی سمواتی چکاچاک .



— سلطان محمد ثالث مضمون ندرینه —

- قلاعی فتح ایدیینور ، حیدر زمانی کوروک .
- باقک مهابتنه ، بر جهانستانی کوروک .
- النده خنجری ، وجهنده نورشانی کوروک .
- جهان آیاغنه کلش شو قهرمانی کوروک .



- سریر دولتی لایق جهان بالایه .
- نقر لریله بوتون لرزه صالدی دنیایه .
- دوشوردی شعشعه لی بیلدیر ملراعدایه .
- جهان ایاغنه کلش شوقهرمانی کوروک .



- دینجه : اشهد ان لا اله الا الله ،
- ارم دین اری ده تتره دیر بولطف اله .
- ایدر عدوسنی لرزان ایدنجه شویله نکاه .
- جهان آیاغنه کلش شوقهرمانی کوروک .



- کمال شان ایله تاریخ ایچنده قائمدر .
- النده خنچری ناسوتیانه حاکمدر .
- بنسده کی قیابجی حاکم عوالمدر .
- جهان آیاغنه کلش شوقهرمانی کوروک .



- اوشانلی خنچر انور اوتیغ عالمگیر ،
- جهانی ایلنه لایق بوشان ایله تسخیر .
- جهانی نیجه تسخیری ایله دی تدمیر .
- جهان آیاغنه کلمش شوقهرسانی کوروك .



— خدایه غازی لسانده —

- قهرمانلق شانی دنیایه اعلان ایلیک .
- دهشت شمشیردن اعدایی لرزان ایلیک .
- جنک ایدکده دشمنه دنیایی نیران ایلیک .
- قهرمانلر ! شرقی آتشلرله تابان ایلیک .
- کائناتی نیر سطوتله رخشان ایلیک .



- بر تصور ایلیک نور غزای حیدری .
- برق خنچردن ایدک محجوب جنک آورلری .
- ییلدیرملر یاغدیرك ممنون ایدک پیغمبری .
- قهرمانلر ! شرقی آتشلرله تابان ایلیک .


کائناتی نیر سَطوتله رخشان ایلک .



- صبح اولنجه خواب غفلتدن اویانسون آفتاب .
- مهر جنت دهری تنویر ایتدی صانسون آفتاب .
- انجولای نور خنچردن اوتانسون آفتاب .
- قهرمانلر ! شرقی آتشلرله تابان ایلک .
- کائناتی نیر سَطوتله رخشان ایلک .




- جنکی کورسون ایلسون رستم فراری اختیار .
- رشکه دوشسون زالر، دارالر اولسون بیقرار .
- دولیک تیغندن اسکندر لر اولسون شرمسار .
- قهرمانلر ! شرقی آتشلرله تان ایلک .
- کائناتی نیر سَطوتله رخشان ایلک .



— فاتح سلطان محمد خانہ حضرت تبرینہ دار —

نہدر بوغلغہ ؟ شمشیری چکدی شاهنشاه .

- نهدر بوولوله ؟ بر قلعه آلدی مزداله .
- نهدر بوزلزله ؟ بر برجی بیقیدی شانلی سپاه .
- نهدر بوشعله ؟ عدودن چیقان مشاعل آه .
- نهدر بوزمزمه ؟ عرش خدایی ایتدی پناه :
- صدای اشهد ان لا اله الا الله .



- قیامت اولسهده تاریخ قهرمان اوقونور .
- کلیر اوکون که اوپارلاق کتاب شان اوقونور .
- نهدر سرائر پر عبرت جهان ، اوقونور .
- ظفر صداسنی تنظیر ایدر اذان اوقونور .
- نهدر بوزمزمه ؟ عرش خدایی ایتدی پناه :
- صدای اشهد ان لا اله الا الله .



- جهانده رزم عظیمک بویی بهانه سیدر .
- جهانده فتح مبینک بوفاتحانه سیدر .
- بوشعله کیم یانیور برغزرا نشانه سیدر .
- بونغمه کیم کلیور برغزرا ترانه سیدر .
- نهدر بوزمزمه ؟ عرش خدایی ایتدی پناه .


صدای اشهد ان لا اله الا الله .

§

- شو دشمنك ینه قان آغلیور دل چاکی .
- بوارلرك بیو یور دهشت شررناکی .
- قلیجلرك نهده خوش نغمه چکا چاکی .
- پرایتدی سانکه صدای بلال افلاکی .
- نهدر بوزمزمه؟ عرش خدایی ایتدی پناه :
- صدای اشهد ان لا اله الا الله .

§

- غروب ایلهدی دشمنده نار شدتزا .
- طلوع ایلهدی عثمانلیلرده مهر غزا .
- جناب حقه ایدلسون هزار حد و ثنا .
- حمایه ایلهدی اسلامی حضرت مولا .
- نهدر بوزمزمه؟ عرش خدایی ایتدی پناه :
- صدای اشهد ان لا اله الا الله .



— سلطان محمد اول حضرت تیرینه —

- شایسته دینسه سکا برنیر رخشان ،
- ای شاه جهانگیر !
- تیغک اولویور دشمنه قارشی ینه تابان .
- ایتدک آئی تسخیر .
- ای عالم بالایی ایدن خنچری برنور !
- بربارقه سین سن .
- هر جنسکک ایچنده اولویور سین بزه منظور .
- تیغک شرر افکن .
- دشمنلریکی قهر ایله تدمیره کلیر سین .
- ای مرد کرمکار !
- دارا کبی عالملری تسخیره کلیر سین .
- ای مهر ضیابار !
- سندن صاچیلیر نور هدا عالمه قارشی .
- برنور خداسین
- سندن کورونوز مهر خدا آده قارشی .
- برنور هداسین .

تینگ ایله ، تیرک ایله هر عالی آلدک .

سنسین بزه رهبر .

عسکر لریکک دهشتنی عالمه صالدک .

ای نیر انور !



اوچنجی قسم

— ❖ آداده کی پری ❖ —

آه ! .. ای حسن ! ..

ای حسن مجسم ! شفقک نور میسین سن ؟

برابر منور کی کچدک سحرمدن !

آنجق بوقدر دلبر اولور نیر انور !

حزنمه برابر می یاشارسین شاشارم بن ؟

آنجق بوقدر وجهی اولوردی کدرافکن ،

کیرسهیدی اکر بربولوتک آلتنه اختر !

§

ای حسن منور ! سحرک حزننه دالدک !

شوقم کی اوچدکده بولوتلرده می قالدک ؟

کیرینده میسین حزن صفا پرور ایچنده ؟

یاقدک دل محزونمی ، امیدمی آلدک !

برخسته قیزک کوزلرینک نورینی چالدک !

حزنک یوزیور شوق کدر پرور ایچنده !

§

ای حسن مقدس ! طیران ایله سمایه !
 کوز یاشلریمی آتمه فقط خاک فنایه !
 سنجلری ترک ایله من البته چیچکلر !
 اوچسهك بيله برکون آدادن باشقه فضایه ،
 بر فکر اوچور ورسین قانادکن شعرایه !
 سافلری تنویره اینر چونکه ملکلر !

§

ای حسن مبارک ! نه قدر شععه ورسین !
 اعلا ایچون افکار غریبانه می ، ورسین !
 بر برقع کلکون ایله مستور اولویورسین !
 هرشیده ، خصوصیه قادیئلرده کزرسین !
 بیلم نیچون آلوده آثار کدرسین ؟
 بر طاش بورکی ستره می مجبور اولویورسین ؟



— بظنه ! —

برکون که سمای ژاله پرور ،
 آغلاردی حزین حزین خزانه !
 بنده دوشونوردم عاشقانه .

بر کلبه ایچنده ناله آور !
اندوه و کدر لر ایلمشدی .
اطرافنی بوس بوتون احاطه !
یریوقدی کوکلده انبساطه !
غم فکری مکرر ایلمشندی !
دیردی بکا روز کار : بکله !



صولمش کورونور بوتون چیچکلر !
هپسی غم ایچنده ، هپسی اولکون !
یاپراقلر ایسه خزانه کوسکون !
ازهار چمن بهاری بکلر !
داغلرده دومان ایچنده قالدی :
مانند خیال شاعرانه !
ای عطف نظر ایدن خزانه !
کلزار خزان ایچنده قالدی !
لکلن کله جک بهار ، بکله !
تکر



ای نجم امید اولان جوانم !
 مختلر ایچنبددر جلالک !
 اما که اینسیدر خیالک !
 باق شمدی بنم اصل مکانم !
 دشمنی دشمنی جلال زاره دنیا ؟
 بندن نه ایچون فرار ایدرسین ؟
 سنده نه چاق کذار ایدرسین !
 تابوتمی باری ایت تماشا !
 ای کوزلری مائی یار ! بکله !



— یبارداو نور —

کوردم که شفق زمانی جانان
 بره شجرده اولوردی خندان !
 دوغدی سحرک حزین دلالی !
 اوچدی شفقک ضیای آلی !
 اولمش ایدی نجم صبح تابان
 قارشمده سونوک سونوک درخشان !
 یار ایلر اولوزدی ناله پرور !

کیزی قونوشور کبی پزیلر !
 فریاده صبا ایدنجه آغاز ،
 قوشلریووالردن ایتدی پرواز !
 ایلر ایدی دالغالر ترنم !
 قوشلر ایدیور ایدی تبسم !
 جانان او یودی بهار ایچنده !
 برشوق صفا نشار ایچنده !
 واردی یاتیشنده برملاحت !
 قدسیت ایچنده برلطافت !
 کوزمشدم اول آفتی مکمل .
 «برکره دهادیمشدم اول :»
 سودا چیچکی ، سما بهاری !
 رؤیا ملکی ، دکر نکاری !
 جانان او یویورکن اولدی منظور ،
 بردن بره آفتاب پر نور !
 خورشیده باقنجه حیرتمدن ،
 بللور قد حمیدر ؟ دیورکن ،
 اویدی دهن نکاری انوار ،

صاندم که او کمدۀ برجنان وار !
 اول عشودلی، طاتلی سوزلویارک ،
 اول جلوہ لی، مائی کوزلویارک ،
 عکس ایتدی دهاننه شعاعی !
 مہرک نہ کوزلدر التماعی !
 یپراقلر ایچنדה برفرشته ،
 نور ایچدی کوزومله کوردم ایشته !



— اریویور ! —

جانانی او یاندرمادی حیفـا که ورودم !
 شخـور صفادر ، او یویور چشمی کبودم !
 اول شوخه کلیر نانی مقامنده سرودم !
 شخـور صفادر ، او یویور چشمی کبودم !



کیرپیکلری بر سایه زرین ایدر اظهار !
 چکمش یوزینه صاحچلری بر پردۀ زرتار !


ای باد صبا! اسمه، هنوز اولمادی بیدار!
 خمور صفادر، او یویور چشمی کبودم!



ایتسه نه اولور عاشق بی خوابه تمایل!
 «آج کوزلریکی!» دیرسه مایدرمیل تغافل!
 جانانی او یاندرمق ایچون آغلامه بلبل!
 خمور صفادر. او یویور چشمی کبودم!



کاهی باقیور عشوه لرك اك کوزلیله!
 صوکره قاپیور کوزلرینی نازک الیله!
 رؤیاده ملکارله کوروشمک املیله!
 خمور صفادر، او یویور چشمی کبودم!



— هر زمانه کوزل —

شیمدی او یانمش او یقودن اول نیر امل!
 هر تار زلفنه دیسم اولمازی صیرمه تل؟

چپلاق اوموز نرنده داغيلمش نه بی بدل !
 فکرمده نقش اولندی اوچهره ، اونازک ال !
 ذهنمده کی خیالنه باق ، هر زمان کوزل !



قارشمده در هنوز نگاه ترحمی !
 یرطوتدی روحم ایچره سماوی تکلمی !
 کوشمده در لطافت عکس ترنمی !
 منقوش قالدی کوز بیکمده تبسمی !
 ذهنمده کی خیالنه باق ، هر زمان کوزل !



دوغدی کونش ، شو قارشیده کی سیسلی کوهسار ،
 ایلمک عشقمک طلوعنه باعث اولان به یار ،
 ماضیده کی سرائمی ایتدی آشکار !
 کورددم که دلده برق اورویور نورحسن یار !
 ذهنمده کی خیالنه باق ، هر زمان کوزل !



عکس ایله مش سمای الھی اوکوزلره !
 باغین دورور ، بودر ذوقونان قلب مغبره !
 رشک آور اولسه چوقئی سمای منوره ؟
 فکرمدر ایشته محفظه تصویر دلبره !
 ذهنمدہ کی خیالنه باق ، هرزمان کوزل !



مستقبلک ایچنده شو حال اولسه تارومار ،
 ماضی اولور تسلی وجدان بی قرار !
 صولسه صفا چیچکلری ، زرد اولسه روی یار !
 زلفی آغارسه ، قیلسه فلک یاری اختیار ،
 ذهنمدہ کی خیالنه باق ، هرزمان کوزل !



— دردنجی قسم —

محصول بهار

— دومانلی داغلی —

بر حزنه دالار ایکن شو باغلی ،
 دل صورت انکسار باغلی !
 یار کده خیالی یاره باغلی !
 بردن بره جوینار چاغلی !
 سز سویلیک ای دومانلی داغلی !
 کوکلم نه یه کیزلی کیزلی آغلی ؟

§

کردجه خیال یار سویله ،
 برسس بکادیر که : سویله سویله !
 خورشید غروب ایدنجه بویله ،
 بلبل باغرنجه آه اویله ،
 سز سویلیک ای دومانلی داغلی !

کو کلم نهیه کیزی کیزی آغلر ؟

§

برعاشق اولورسه غممه دمساز ،
 برقیز چیقاریرسه غملی آواز ،
 برقوش اوتهرک ایدرسه پرواز ،
 برجوی اولورسه نغمه پرواز ،
 سنزسویلیک ای دومانلی داغلر !
 کو کلم نهیه کیزی کیزی آغلر ؟


§

اغرب دل زار ورقت افزا !
 برمشجره لطافت آرا !
 ایلر ایسه برایکلتی پیدا !
 بردن بره جوش ایدرسه دریا !
 سنزسویلیک ای دومانلی داغلر !
 کو کلم نهیه کیزی کیزی آغلر ؟

§

برسینه ده خون آل کورسه م ،
 برچهرده برظلال کورسه م .


بروجهی صولوق خیال کورسه م ،
 برنوزی دونوق جمال کورسه م ،
 سزسویلیک ای دومانلی داغله ر !
 کوکلم نهیه کیزلی کیزلی آغله ر ؟



— داغله ر —

اول پرینک صانکه کیزلنمش خیالی داغله ر !
 آغلادم ، آه ایلدم ، باقدم شوخالی داغله ر !
 ایلمش مظلم بولوتلرله تتنوج ذروه سی !
 باق نصل هیت فروش اولمش شو عالی داغله ر !
 سویله ای ابر کور ! پروردو قوندی جسمه !
 سمنی بخش ایتدک بو حزن آورظلالی داغله ر !
 کلدی لیلک اغبرازی ، آفتاب ایتدی غروب !
 کوکلمک عکس ایله دی کویا ملالی داغله ر !
 ماه دوغدی ، بنده صاندم ای اساطیر آشنا !
 آسماندن دوشدی لیلای لیلای داغله ر !
 کلبه احزان کبی محزون ، سکون بختما ، غریب !

بك يا قيشد يردم بو محز و نانه حالى داغله !
 بر طاشك اوستنده استغراقه دو شمك ايسته دى ،
 ذوق وحدت آشنا ابتداى جلالى داغله !



بشنجی قسم

مزار طاشلری


— بر بویك آدمك كتابه سنك مزارى —

زائر ! ای غافل حقایق موت !

سنی احوال عالم آلداتیور !

عبرت آل، حرمت ایت، زیارت قیل !

بوراده بر بویوك جهان یاتیور !



فهرمه [۱]

آه ای ظالم اجل ! ایواه ای دهشتلی درد !
قیدیکز می . عاقبت بر آفتاب عصمته ؟

[۱] اون درت یاشنده کی فهمیه زوجه میدی . بوفقییر مهاجر
قادینی اثنای حمله حواله (اقلامپی) دن وفات ایتدی .
چوجوغنی ده برابر کوتوردی . بوتاریخ ، سنك مزارینه حك
ایتدیرك اوزره یازلشدر . (كوچوك كلین) عنوانلی اثر ایله
بو اثر ك مندر جاتندن بولونان (مشهد) سراوحه لی منظومه مرحومه یه
عائدر .

وضع حمل ایله ایکن کلدی حواله قییدی آه ،
 صیرمه صاچلی ، مائی کوزلو برفرشته طلعته !
 هجرت ایتدی آسمانه بر مهاجر دلبری !
 آجدیلر آغوش قدسیلر بو عالی هجرته !
 اعتماد ایت سودیکم ! زوجك دهك چوق بکله من !
 حسرتکاه جان آتار بر کون بودار رحمته !
 زوجی طالعسر جلالک بویله بر تاریخی وار :
 کیتدی فهیمه م قزیله بز مکاه جنته !

۱۳۰۹



کتابه سنک مزار [۱]

کوروندی کوزلر مه اغبرار ایچنده یوزک !
 یازق بو حالکه وجدان غبار ایچنده یوزک !
 سنک خیالکی کوردکجه ظن ایدر پدرك :
 دوداقلرک متبسم ، غبار ایچنده یوزک !
 کریمه آه کریمه ! بنم کوزل یاوروم !
 کولرمی مقبر ظلمت نشار ایچنده یوزک ؟

[۱] مقام سرعسکری محاسبات دائره سی خلفاسندن برادر

وجدانم حق بکک لساندن کریمه سی ویندانه .

مزارده می اوشویورمی کوچک، پاموق اللر ؟
 نه اولدی ولوله روز کار ایچنده یوزک ؟
 سنی نصل بوله میم ؟ جستجوده فائده یوق ؟
 سماده روح لطیفک ، مزار ایچنده یوزک !



— ههم مرئیه ، ههم تاریخ [۱] —

کو کلم المله زارونزار اولدی ، آغلارم !
 فکرم کدرله ناله نثار اولدی ، آغلارم !
 محصول عمری ، غنچه سی برذات اکر مک ؟
 مهجور کاستان و بهار اولدی ، آغلارم !
 هرکس او یاندی پرتو امید او یانمادی !
 شب بیتدی ، دوغدی مهر ، نهار اولدی آغلارم
 آه ایلم نهایی یوق اغبرارمک !
 جسم لطیفی آه غبار اولدی ، آغلارم !
 کیم اغلاماز بو حال کدر اشتماله ؟ آه !
 برنوجوانه جای مزار اولدی ، آغلارم !
 شوق بهاری کورمادی برنازنین چیچک !

[۱] قدمای عسکرینه دن وسواری فریقان کرامندن

سمادتلو بکر پاشا حضرتلرینک وفات ایدن مخدومی احسان بکه .

اون بش یا شنده بر چو جوغه قییدك ای فلك !



احسان کبریا ایدی ییچاره مادره !
 برغمکسار ایدی پدر ناله پروره !
 کیردی مزاره بکزدی ایواه چهره سی ،
 برابر ایچنده کیزلی قالان نجم مغبره .
 لایقمیدر که نشوؤ کلزاری کورمهدن ،
 کیرسون اونونمال خزان مکدره ؟
 احسان ! نیچون کوکلره آچدک بویاره بی ؟
 یومدکده چشمکی نهیه دوشدک اومقبره ؟
 ارباب حسن ایلدی کرینده هجرک آه !
 ترک ایله دی باباک سنی آرتق مدکلره !
 کوز زاله صاحدی قبریکه ایشته دم سحر !
 ازهار آچان مزارینی ایصلاتدی دیده لر !



بینم قاریشدی ولوله انکساردن !
 کوکلم طوتشدی نائرة اغبراردن !

برحاله کلدی که دل محزون و ناشکیب ،
 امداد او مار ملالت فریاد و زاردن !
 بن بویله باشلامش ایدم آهه یاواش یاواش .
 خورشید دوغدی مشرق پرتو نشاردن !
 دنیا کولردی ، فوتنه ایتزدم اعتماد !
 کوکام یاناردی ، نشئه چیقاردی بهاردن !
 دوشمش ایکن تحیره کوکام بو حال ایله ،
 بر بویله ناله کلدی جوار مزاردن :
 شاعر نه اولدی ؟ کندیکه کل ! روحک ایکیلیور !
 فریاد شاعرانه کی الله دیکلیور !



زائر ! نیچون بومقبری تزین ایدر بهار ؟
 دولمش جوارینه نهدن ازهار بونشار ؟
 زائر ! نیچون بومقبر مغبر حزین ایکن ،
 بر شوق کلهشی اولور اوستنده آشکار ؟
 زائر ! نیچون سکوت آراسنده او یورکن او ،
 خندان اولور چیچکار آچار دائما جوار ؟

زائر! نیچون ظلال خزان اوچهدن دها ،
 رشك آور صباح بهار اولدی بر مزار ؟
 زائر . نیچون غبار کدر رونما ایکن ،
 قبرنده یوق نشانه الام واغبرار ؟
 واردر سبب . نیچون بو قدر نشهلی بویر :
 محنت قالیرمی ؟ قبرینه کلش فرشته لر !



جنتدهده مقامی بهار مسار اولور !
 جنتدهده وجهه پاکنه پرتو نشار اولور !
 وجهنده غم ، ابنده تبسم حزین حزین ،
 اول حال ایله فرشته لره آشکار اولور !
 انوار جنته دالار البته چهره سی !
 آغوش رحمته صیغینیر ، دم کذار اولور !
 لکن بکا براقدیغی درد الم فزا ،
 هر کون یاقاردلی ، سبب اغبرار اولور !
 بریت یاز جلال ! او قدر غیم نما ایسهک ،
 بلکه اوده کتابه سنک مزار اولور !

تاریخه قطره لرینه دوشدی دودیده دن !
 احسانه قییدی چرخ بویینک نوجوان ایکن !

— بر قیزک کتابه منک مزاری —

دها دون خنده ایدردی دها دون !
 دها دون قوقلادی سنبلرینی !
 قالمادی نامی بیله آه بوکون !
 تارومار ایتدی اجل کوللرینی !

§

یاقدی ، یاندیردی دل مغبرمی !
 کولویور قبری بکا ، باق اورایه !
 دها دون خنده ایدن دلبرمی !
 بورایه کومدیله ایشته بورایه !

— کتابه منک مزار —

جسمی بوراده ، روحی ملکدرله سماده .
 آغوشنه آلمش اوکلی بستر لاهوت .

اولدوردی بنی کندی کولر برج صفاده !
ایتدی المی عاشقنک قلبنی تابوت !

§

کوزیاشلرمک بسله دیکی برکل مغبر !
آغلاتدی جهانی، او بودی مقبر ایچنده !
بیلمم نه ایچون کیزله دک ای خالق اکبر !
بر جوهر نادیده بی بر مرمر ایچنده !



آلتنجی قسم

— لیلی —

یارک نظر حزنی کبی حزنه بورونمش !
 تیتزر کبی قارشیمده دوران عالم انور !
 بیکانه دورور حزن صفا پرور ایچنده !
 اولشمی سمواته اوچان قیزلره مغبر ؟
 خورشید دهادن دهار خشان و مجلا !
 مهتاب ذکادن دهاتا بان و منور !
 محزون دوروشیله ، او حزین سوز نشیله ،
 قدسیلری کریان ایندیور صانکه سراسر !
 اول حزن لطیفیله اکر اولسه سزادر :
 برخسته قیزک کوزلرینک نورینه مقبر !
 کوکلم کبی اولدجه سما ظلمته مقرون !
 فکرم کبی اختر اولیور شمشعه آور !
 ربوی سماوی کلییور شعله لر کدن !
 یاتشمی سنک اوستکه دلدار سمنبر ؟

خورشید لطیفك كله بذل ایتدیكى انوار ،
 مهتاب بهارك چنه صاچدینی زرلر ،
 اول كوزلری خمورك ایدر وجهنی تنویر !
 ایلر اوصاری صاچلری مستغرق زیور !
 دوغدك دوغالی دوغمادی وجهی کی خورشید !
 اولسهك یاقیشیر یارملك طلعتہ مادر !
 تنظیر ایدم زمزمه حامدی بالله !
 یردن کوکه چیقمق بکا ممکنمی برادر ؟



— مرمرده —

منظور بویوك آدا اوزاقده !
 برسیس آراسنده شاعرانه !
 سیر ایله شوخالی عاشقانه !
 دریا طوتیور آنی قوجاقده !



بن زورق ایچنده مست و بیهوش !
 برالدہ قدح ، برالدہ باده !

ایوانہ ایچیر میور زیادہ ،
قارشمدہ کی دلبر سمن پوش !



ایچدجہ مینی اولوردی مزداد ،
قلمدہ کی آتشین تائر !
استانبولی ایله دم تفکر !
آوارہ کوکل ایدردی فریاد !



قارشیمدہ کی کیم ؟ سما بہاری !
دوردجہ ضیای ماہہ قارشی
بر لیل پر ایتبہاہہ قارشی
دستمند آلردی اختیازی !

— مہتاب —

کوکن یاغیور پرتو عصمت دم مہتاب !
فوقدہ ملککرمی اولور محرم مہتاب ؟

کوز یا شلرم اولسون بوکیجه شبنم مهتاب !
 حزنک نه غریبانه در ای عالم مهتاب !

§

دریا به یینه دامن مهتاب سوروندی !
 بر حوض بهشتی کبی پک صاف کوروندی !
 تصویر سما لوحه سودایه بوروندی !
 حزنک نه غریبانه در ای عالم مهتاب !

§

بر ساحله ایندم سنی سیر ایلیه رکدن !
 بر طاش اوزرنده دوشونورکن، اوتورورکن .
 بر حس مکدر دلمی ایتدی غم افکن !
 حزنک نه غریبانه در ای عالم مهتاب !

§

قارشیمده کی صحراینه پرتولر ایچنده !
 دریا دخی الوان ضیا آور ایچنده !
 دالدر دورییور حزن صفا پرور ایچنده !
 حزنک نه غریبانه در ای عالم مهتاب !

§

اختزلره قارشى ايدرم شعرمى تکرار!
 اختزلره قارشى ايدرم عشقمى لقرار!
 گاهى ايدرم کوزلرمک ياشنى ايشار!
 حزنک نه غريبانه دراي علم مهتاب!



— آنا —

ذوق شباب اولورکن کؤکلده نشوه افزا!
 ايتدى آدا جواری افکار عشقم اعلا!
 لکن آدا ديوبده کچمک اولورمى جائز؟
 وارمى جهانده اويله بر موقع صفازا؟
 وقتا که بادخوشبو ايلر کذار اوکندن ،
 وقتا که جوشه باشلار مائی ، لطيف دريا ،
 زنجير اولور کومشدن هر موج بر لطافت!
 اول ساحل لطيفى ايلر احاطه کویا!
 ايندم کنار بخره بر شب ضیا صاچارکن ،
 قلب حزينه سودا دريايه ماه غمرا!
 برحس شاعرانه رام ايتدى قلب زاری!

دالدم تفکراته بر سنکی ایلدم جا!
 اشجار هیت آورقوشلر سکون ایچنده!
 ساحل غریب و محزون اورمان حزین و تنها!
 داغلر ، یارلر اولمش مستغرق سکونت!
 دالمشدی ظن ایدردم خواب سکوته اشیا!
 ایتدی سکوتی اخلال بر آه عشق پرور!
 اول ناله تحسر بر قوشدن اولدی پیدا!
 اوراقی نو بهارک ککلدکجه اهترازه ،
 ایلردی کیزلی کیزلی اسرار عشق افشا!
 ایتمزدی بر نشانه انسان ایچون دلالت!
 ص - اندم پر یلر کدر اول موقع دلارا!
 ناکاه حاصل اولدی برسس ایدردی حاصل :
 روحده بر تبدل جسمده بر تماشا سها!
 کوکلده اول صدانک عکس لطیفی قالدی!
 دوندم باقجه کوردم بر حور نور سها!
 چییلاق اوموز لر نده صیرمه صاچی پریشان!
 لیلای لیله تشبیه ایتسم اولوردی احرا!
 یاخود دینیرسه شایان چقمش کنار بجره ،

اولمش دكيز پريسي مستغرق تماشا !
 لايق او حسن پاك مرآتى اولسه خورشيد ،
 آئنده برق اوروردى نور لطيف مولا !
 قاشلرى براز چاتيقدى محزون دينيرى بيلمم ؟
 بوندن اولوردى اما برحمت آشكارا !
 دردانه سرشكى تيرردى كيرپيكنده !
 هر دانه سنده مخفى اولق كركدى سودا !
 گويا بوكوندر اول شب ممكن دكل اونو تيق :
 چشم كبودى بايغين بايغين باقاردى حتى !
 تشكيل ابدردى گويا زرین بولوتده برماه :
 صيرمه صاچك ايچنده رخسار شعله پيرا !
 چشم تقابل ايتدى چشميله اول پرينك .
 عرض ايدرم شو بولنه سودامى بي محابا :
 « سز بر پريسيكز كه اى آفتاب بهجت !
 اك غشوهلى پرينلز ايلر سزه مدارا !
 سز بر ملكسيكز كه اى ماه عالم حسن !
 « صنعت نه دورلو تصوير ايلرسه اويله زيبا »
 سز بر كوزلسيكز كه رفع ايتسه كز تقابى ،

قیزلر حسد ایدرلر محجوب اولور زلیخا !
 سودم سزی ملکلر ایتسون بوکا شهادت !
 سزده ایدک جلالی « سودم ! » دیوبده احیا !
 کوش ایله دی خطابم ایتدی براز تردد .
 کوردم که قیلدی عودت مغبر اولوب دریغا !
 ایتدم نصلسه آرتق تعقیبه ده جسارت !
 برقصر اوکنده دوردی اول عشوه کار رعنا !
 حیرت ایچنده صوردم اسمن او دلستانک .
 برشی دیدی اونوتدم ، یوق ! خاطرمدده اما ،
 ایتسه م نصل جسارت تکرار ایچون او اسمی ؟
 تکرار ایدنجه دلدده بیک حس اولور هویدا !
 ای جلوولی پری رو ! ای عشوهلی فرشته !
 ای صیرمه صاچلی دلبر ! ای مائی کوزلو آنا ! ..



— یدنجی قسم —

نوحات

— رہا —

یوق دوشدیکم بلایه دوا ، اولدیرک بنی !
 آرتق چکلیمور بوبلا ، اولدیرک بنی !
 رؤیاده کریهلی کورورم نوجوانمی !
 کولسونده تک اوماهلقا ، اولدیرک بنی !
 بیسک کره کونده اولمدهم افتراق ایله !
 راضی میدر بوحواله خدا ؟ اولدیرک بنی !
 جانان نهان ، کوزومده دکلدیر جهان بنم !
 هیچ کورمدم جهانده صفا ، اولدیرک بنی !
 جانان اولورسه شوق مامله شادمان ،
 کولسونده تک اوماهلقا ، اولدیرک بنی !



— بیلیم کیملیوره اغدرم؟ —

ایلور دائم بنی اذواق حزنم نشئیاب !

مہر عالم یادو غار کن ، یا ایدر کن اغتراب ،
 علمی انوار ایچندہ کوستر کن ماہتاب ،
 حس ایدر آوارہ کوکلم آنسزین براضطراب !
 « آغلارم ، امانیچون بیلیم کیماکچون آغلارم ؟ »



قیس کلیر ، بلبل صوصار ، دورماز کیدر وقت بہار !
 دل دو یار البت بو محزون لوحہ دن برانکسار !
 بوزلر آلتدن حزین سسلہ آقارہر جو یبار !
 قارلہ اور تولمش کورونجہ داغلی ، بی اختیار ،
 « آغلارم ، امانیچون بیلیم کیماکچون آغلارم ؟ »



آہ قور تولماز تأثر دن دل محنت قرین !
 قلبی تیرتمکہ کافی دکلی برانین ؟
 حزنہ غرق ایلر جنانی برنگاہ نازنین !
 چشم محزونم دولار برچہرہ بی کورسہم حزین !


« آغلارم، امانچون بیلیم کیمکچون آغلارم؟ »



کلیستانده بر سحر وقتی اولان آرامساز ،
 کلیستانی سیرایدکن شبهه سز آغلار براز !
 کاشانه قارشی بر بلبل اولور کویای راز !
 کلرک اوستنده شبنم ایلیورکن اهتراز ،
 « آغلارم، امانچون بیلیم کیمکچون آغلارم؟ »



غم زمانی بر آجیقلی آهی کوکام کوش ایدر !
 بر آجیقلی آه حیرتله بنی خاموش ایدر !
 بر ورم قیز حزن طور یله بنی بیهوش ایدر !
 بر تبسم کوستریرسه کوزده اشکم جوش ایدر !
 « آغلارم، امانچون بیلیم کیمکچون آغلارم؟ »



— نوم اضطراب انگیز —

کوزومه کیرسه ده اویقو یاتسم !
 کوکلی اویقو ایله آلداتسم !

کیرسه رؤیامه ملککرده بنم !
 راحت ایتسه دل محنت فکنم !
 آه رؤیادهده بر بشقه عذاب ،
 ایدیور قاب حزینی بیتاب !
 میل خواب ایلسه فکرم بر آن ،
 کوروروم کندمی ظلمتده نهان !
 کزیورکن شوکوزل صحراده ،
 کوروروم کندیمی بردریاده !
 دالغا آلتنده ، ظلال اوستنده !
 شوق یاننده ، ملال اوستنده !
 ایدر امواج خیانتله هجوم !
 نور امیدمی ایلر معدوم !
 کوك اولور پرده ظلمتده نهان !
 آغلارم ، ایلهرم آه وافغان !
 یوزهرم ، آه کورونمز ساحل !
 باتارم ، اولمکه اولم قائل !

یوزومه بچهٔ ظلمت سورونور !
 اوقارا کلقده ده برشی کورونور !
 قورقارم ظلمت غم افزادن !
 اوغراشیرده چیقهم دریادن !
 بارقه رنکه بویار دریایی !
 صاعقه خندهٔ استهزایی ،
 ایندیرر کوشمه فریاد ایده‌رم !
 اوزمان سودیکمی یاد ایده‌رم !
 اوده امدادمه کلمز ، قهار !
 اوده امدادیمه کلز ، غدار !
 بنی دریاده کورونجه مغبر ،
 سودیکم بربولوت اوستنده کولر !
 قوتم محو اولویورکن ، ناکاه ،
 کندیمی ترک ایده‌رم دالغایه آه !



— موت ! —

رخسارینه جالب تأثر ،
 دوشمش ایکی قطرهٔ تحسیر !

کریان ینه باش او جنده مادر !
 آغلار ، کزینیر ، ایدرتفاکر !
 آیرماسه باری دخترندن !



کچمشده امیدینک زمانی ،
 تفهیم مرامه یوق توانی !
 طوتمش النی صیقار ، بر اناز !
 بر مرحت ایستیور نهانی ،
 بیچاره ، زواللی مادرندن !



همشیره سی کیزلی کیزلی کریان !
 محزون پدری قان آغلییور قان !
 دادرده بو بزمه داخل اولدی !
 آرتق طلب ایستی زارونالان :
 بر پارچه کاغد برادرندن .



یازدی اورایہ بو حسبجالی :
 « پک قانلی تورمک خیالی !
 برقیز یاقیشیرمی بویله دوشسون ،
 امید ایدیور ایکن وصالی ،
 محروم وجدا چیچکارندن ؟ »



دوشدی قلمی الندن ، ایشته ،
 حشیمانی قاپانمہدن ، فرشته ؛
 اول روح لطیفی کوسبتیردی ،
 لاهوتہ ، بولوتلرہ ، بہشتہ !
 آغوشنہ آلدی بسترندن !



آلتدہ کی۔ نوردن دوشکدر !
 اوستندہ کی روحدن ملکدر !
 بالینہ صاچلری صاچلمش !

ایواه بو قیزورم دیکدر!
 کام آلمدی کلشن ترندن!

بی بی
 بی بی

وقت سحر ابله یورکن افشا ،
 اسرار محبتی ، دریغنا ،
 بایغین باقشی - وزولدی ، قالدی !
 تیرردی ، اولوردی محنت افزا ،
 نجم - سحر عکس پیکرندن !



اک کیزلی یرنده کوکسنک آه !
 بر آغری سمر دینیردی اولماه !
 سودا کبی طساتلی برجریجه !
 بلایدی او اضطراب جانکاه ،
 هر کون نکه . کدرندن !



ترك ایلدی کیتدی کائناتی :
 افکنده سی ، سودیکی ، حیاتی !
 مقبردهده اولدیلر هم آغوش !

حَقِّك بُوْدَه بِاشَقَه النَّفَاتِي !
 دُور اِيْتِمَدِي مَاهِي اِخْتَرَنْدَن !



تَابُوت ، اَوْجَمَل فَلَائِكْت ،
 تَابُوت ، اَوْجَهْرَهٗ مَصِيْبِت ،
 اَغُوْشَنه چَكْدِي بِر حَيَاتِي !
 تَابُوت ، اَوْهْمَنْشِيْن ظَلْمَت ،
 عَار اِيْلَه مَدِي سَمْن بَرَنْدَن !



اِنْوَارِيْنِي كُورْمَهْدَن بَهَارِك ،
 اَغُوْشِي اَجَلْدِي بِر مَزَارِك !
 بَرْدَن بَرْد اَوْجَدِي بِر كُوجُوك قُوش !
 كُورْمَش كَبِي نُوْرِيْنِي نَهَارِك !
 اَيْرَلْدِي نَهَال مَقْبَرَنْدَن !



اَوْسْتَنْدَه نَجُوم شَعْلَه بِرُور ،
 حَزْن اَلْمَدَه وَجَه مَقْبَرَنْدَن !
 پِيْشَنْدَه فَرَشْتَهٗ مَزْهَر ،

طوتمقدمه گذرله شهرندن !
 بللی ورم اولدینی یرندن !



وقتنده بنمده واردی یارم !
 بر کوزلری مائی عشوه کارم !
 حالایاشیور ، فقط وفاسمز !
 برخائنه قاچدی زار وزارم !
 دور اولدی جلال دلبرندن !



صوکر ا بکا عادت اولدی هر کون :
 صحراده دولاشمق اولکون اولکون !
 هجران ایله متصل دوشونمک !
 یارم بکا بن او یاره کوسکون !
 نفرت بکا قارشی همسرندن !



بر کو سحر اوچمادن مقدم ،
 چیقدم قیره هرجهت مؤلم !

بر کوز آییجی مزار کوردم !
 از هارینه داملا داملا شبنم ،
 دوشدکجه صیزاردی مرمرندن !



باقدم که سحابده ، هواده ،
 قالمش ایکی روح اعتلاده !
 بسترنری بر سحاب انور !
 کیتدکجه او یوز لر انجلاده ،
 شوقک مه شعله پرورندن !

بینه
 بینه

مرمر ، او سگون ایچنده ظاهر !
 صوصمندی بوتون بوتون ظواهر !
 کیمدر بوراده یاتان دیوز کن ،
 بر نغمه دیدی : « سکوت ! زائر !
 دور ایله مه خواب انورندن ! »

سکزنجی قسم

ادبیات عتیقه صدالری

— فخریانه بر مرثیه —

صبحدم کوردم کزر قالمش غریب آوازه صو !
 ماجرای کربلادن دوشمش آوازاه صو !
 صاچدی باران حرارت کربلا میدانه !
 غیرى چالسون باشی طاشدن طاشه بیچاره صو !
 تشنه لب کورسهدی اوپله آب روی امتی
 چشمه چشمان زهرايه اینردی قاره صو !
 کربلاده سمنی تقسیم ایتدک ای کردون دون !
 نورعین مصطفایه قانلی یاش، غداره صو ؟
 آل واولاد زسول الله بیک فواره زهر ؟
 لشکر اعدای بی انصافه بیک فواره صو ؟
 کربلادن قائمی دوشدی حوض یاک کوثره ؟
 باری سن ای حضرت جبریل ! کیتده آره صو !
 طوتدی مخدومن حسین الده دیدی ظالمیره :
 ای یزیدان ! باری بومعصوم ایچون برپاره صو !
 باق شوملعونانه قیلدی بر ایچم صوی دریغ !
 حالت تزغنده دشمنلر ویرر بیماره صو !

ابر رحمت وردر خسار حسینہ دو کدی اشک !
 نیتہ کیم تاب و طراوت بخش ایدر از ہارہ صو !
 قلب شمرہ اہل بیتک کوز یاشی کار ایتہدی !
 اہلہ من بخش حیات البت قوری اشجارہ صو !
 تا او کوندن جوشہ کلش ، باش اورور بی اختیار ،
 مست لایعقل کبی دیواردن دیوارہ صو !
 سفہ نیچون غرق ایتہدک دنیایی ای طوفان اشک !
 ویرمہ مشلر خاندان احمد مختارہ صو ؟
 سن نیچون جوش ایتہدک ظلمتہ ای آب حیات !
 حضرایلہ کوندرمہدک اول مہر پرانوارہ صو ؟
 سن نیچون برقطرہ اولسون سویلہ ای ظالم فرات !
 ویرمہدک نور عیون حیدر کرارہ صو ؟
 چورہ می سیل سرشکم آلدی ، باری دوستلر !
 کوزلرم صاچسون غباردرکہ دلدارہ صو !
 دونسون آرتق عکسنہ ایسترہ دولاب فلک !
 باشلا سین اوزلرسہ ہر برتشنہ بی آزارہ صو !
 میل آقتمم بن بو عالمہ شراب نشوویہ !
 جان دخی بخش ایتہہ قویم ساغر سرشارہ صو !
 چاغلار سین اشکملہ جولر کیم اولور بحرہ روان !
 آغلار سین آہملہ داغلر کیم دوکر انہارہ صو !

او یله بر دیداری چوق کوردی عدو کیم جبرئیل ،
 عالم قدس ایچره سرپردی اوکل دیداره صو !
 بولماشمی کندینه دنیا ده بر مست غرور ؟
 تشنه لردن باشلامق لازمی اخذ ناره صو ؟
 یاندی باغرم ، اوزکه بر آتشف داغ آچدم دله !
 برغزل سر پر سه سر پر قلب آتشفاره صو :
 یوقی دیرکن آه بر قطره دل غمخواره صو ،
 یارصوندی کاسه بلور ایله اغیاره صو !
 سیر باغ اتمک کرکز قامت دلجوسنه ،
 وهم اولدر میل ایدراول سرو خوش رفتار صو !
 بر ایچم صو ایسته نیجه بن اولایدم آه آه !
 اشک چشمانله ویرسه یدم نولوردی یاره صو ؟
 صویه ویردی جریمی یادرخ کلکون یار !
 کوزلر مدن جوش ایدر، هرکون آقار کلزاره صو !
 روز و شب اشکم رواندر قلبمی اطفایچون !
 رسمدر : یانغینده سر پر لر دمام ناره صو !
 غنچه خون اولدی چشمم، خار مژگانم جلال !
 آغلادمده شبنم اشکمله ویردم خار صو !
 میل ایدوبده ایله ستم امرار آئی جستجو ،
 شویله بر بیت رحیق ایله کلیر اقراره صو :

آتش عصیانمی دریا را اطفای ابله من !
 دوشمه سو نار جلال حضرت قهاره صو !
 کلبه احزانده بیدارم غمگله یا حسین !
 تگری حقیچون قیل احسان عاشق بیمار صو !
 قانسون ارواح شهیدان سلسیل نظممه !
 ویزدی سیلاب سرشکم کلشن اشعاره صو !
 جویبار حوض چشممدر بونظم آبدار !
 ویردم آندن لالهزار عالم کفتاره صو !
 نسبتگله فخر ایدنلر کوثر ایچسون یا حسین !
 دمبدم باران لعنت یاغدیره کفتاره صو !
 کیم یزیده لعنت ایتمکدن ایدرسه احتراز ،
 ساقی کوثر آندن ایچمهسون برپاره صو !



— مفرد —

آه ایدر دل فقط اول غنچه فی کوردجه ،
 چکدیکی محنتی بر آنده فراموش ایلر !




— درت بینی غزل ارباز می ؟ —
 نصل آرام ایدرسین آه بنسز ؟
 یتیش امداده قالدیم شیمدی سنسز !
 خزان فرقتدن صولدی رویم !
 بهاری نیلیم اول کل دهنسز !
 کیدنجه نونهال عشوه کارم ،
 چمنسز قالدی کلشنلر چمنسز !
 نصل کچسین بودرد محنت افزا ؟
 حیاتم کچمه دی بر کون محنسز !



-- قالمادی --

شیشه نر دوریلدی فیض نشوه جم قالمادی !
 اول قدح ، اول باده اول ساقی او عالم قالمادی !
 خیلی دمدر کوز یاشمدن دوردر رخسار یاز !
 آغلاک ای کوزلرم کللرده شبنم قالمادی !
 چاک چاک تیغ هجران اولدی درمانسز کوکل !
 یاره سویله ای فغان ، یاره مده مرهم قالمادی !
 سینه چاکم دل پریشانم غریب عاشقم !
 وادی سوادده بدن باشقه خرم قالمادی !

ماه رویندن نقاب زلفی قالدیردی یار !
 آفتابک چهره سننده ابر ماتم قالمادی !
 بر الهی عاشقم پروانه عشقم جلال !
 سوز داغ سینهدن یم جهنم قالمادی !



— تاریخ ولادت —

معصومه کھواره علوینی سیرایت !
 تابنده ملکار کورویور خواب صفاده !
 مهتاب لطافت ایندیور وجهنی تنویر !
 آنجق بو قدر پرتو اولور نور خداده !
 بیلم نه دینیر ؟ نامنه « مہپاره » دیدم بن .
 پارلاقلغنی کورمه دم اجرام سماده !
 دوغدی دوغالی ماه دها دوغمدی بالله .
 وجهنی کبی بر اختر تابنده فضاده !
 حسنی ایده جکدر آیک اون دردینی تنظیر !
 بر نیر عصمت اولاجق برج حیاده !
 حفظ ایله سین انواری ایدن ماحی ظلمت ،
 تاریخنی اذهان منیر شعراده !

بردوشدی هوا ایله بوتاریخی جلالک :
 مپاره طلوع ایتدی سموات هواده !

۱۳۰۶



— برتاریخ ولادت دها[*] —

نیر صبح ادب صالح افندی کیم اکا ،
 خالق الآفاق احسان ایتدی برعالی کهر ،
 او یله بر طفل ضیا پرور که کور سه نور آیر :
 پرتو وجهندن البته سموات و قمر !
 قلب معصومانه شننده مختفیدر نور شوق .
 منجلیدر جبهه پاکنده انوار سحر !
 شعله حسنی جبین مهره قارشی برق اورور !
 چشم چرنخی خیره ناک ایلر بو طفل شعله ور !
 غربی تنویر ایلسین، ویر سین الهی ! مشرقه !
 فکرینک پارلاقلانی فجر شمالیدن اثر !
 ای ملکار، طوبولانک تاریخمی کوش ایله یک !
 مهر محشردن ده انوردردر بو شعر معتبر !

[°] ضبطیه مکتوبی قلبی باش کاتبی صالح افندی نیک اوغلی نجم الدینه

کلدی یاده نور تار بحکله نور حق جلال !
 کلدی نجم الدین ایله صبح بهار شوقه فر !



— ویره مزمی —

انوار رخی طورده شهرت ویره مزمی ؟
 اول آفت الهیاره حیرت ویره مزمی ؟
 آهم که چیقار برپت ایچون دیر دلدن ،
 عیسایه سمواتده دهشت ویره مزمی ؟
 کل رخلریک رنکنه آلدانه، صولارسین !
 ظالم شوچیچکلر سکا عبرت ویره مزمی ؟
 ناز ایتمه بکا ، مشرق سودا سکا بکزر ،
 آغوشمه برمه ر ملاحت ویره مزمی ؟



— اولسون —

بهار وصله تک جوی سرشکم آشنا اولسون ،
 سکا ای نونهال عشوه ! نیم وارسه فدا اولسون !

بپایدم یوسفک میزان حسن و آنی دیردم :
 لال حسن قیمتداریکه یوسف بها اولسون !
 می کلکونکی نوش ایلیوب شاد اولدم ای ساقی !
 جناب لایخوارک عشقنه ویر، بردها اولسون .
 « اولورمی درد عشق عالمده؟ » دیرمش ده کولر مش یار !
 بنم عشقم کبی بردرده یارب مبتلا اولسون !
 کشاده سینهنسی ، نافی برهنه ، خوابگاهنده .
 قدر کوسترمه دی اول دلربایی از قضا اولسون !
 بکا ابروسی قاره ، چشمی قاره دلبر الویر من !
 اولورسه بویله مائی کوزلو ، نازک دلربا اولسون !
 نسیم وصاتی آه ایتمه دن دوران کوندرسین !
 بولطفی روز کارک عاشقه باد هوا اولسون !
 نکاری ناز ایدر ، اغیاری ایلر سرینی افشا :
 زواللی عاشقک یازد مجیسی لطف خدا اولسون !
 فلک اهل دله بر طالع تابنده کوسترمن !
 جلال آسا اگر ایسترسه خورشید ذکا اولسون !

— غزل —

اسیر عشقی ز ، آز کورمه اغبرار منی !
 کورن اودلبری چوق کورمن آهوزار منی !

دو قونماسین بزه تیرکدن احتراز ایتسین -
 کیتای فغان ! فلکه ، آکلات اقتدارمزی !
 بوسینه داغلی لاله ، اشکمز انهار !
 کلیرمی سیره اوکل یوزلی نوبهارمزی ؟
 کورونجه مه یوزینی عاشقانی ، هاله کبی ،
 احاطه ایله دی دلدار عشوه کارمزی !
 بوصفوت اوچماسین آینه جمالکدن !
 دو قونمه کوکلزه ، آما انکسارمزی !
 کبابی قلب مکدر ، شرابی خون جگر ،
 بکندی پیر مغان گوشه قرارمزی !
 جهان کوزللی سهم جفا آتوب دیرلر :
 جلال ! صاقلا جانکده یادکارمزی !



— یلباشی سعیدک اید مشرک برغزل —

س — ناز ایلرایدم چرخه سکا چا کر اولایدم !
 ج — باشا کزایدم کوکلره خاک ک کر اولایدم !
 س — ناسوته تنزلی ایدردی دل شیدا ؟
 ج — کوکلرده اوچاردم سکا بن شهر اولایدم !

- س - مهر و مهه برق افکن اقبال اولوردم ،
 ج - زلفنده دوران شانه نور آور اولایدم !
 س - یا اختر اولایدم ده یانایدم اوجانگده ،
 ج - یا آتش عشقک ایله خ کستر اولایدم !
 س - درو کهر چرخه معادل طوتیلوردم !
 ج - الماسمه بر خلقه انک کستر اولایدم !
 س - زلفکله رخک شم ایله دلشاد اولوردم ،
 ج - ای کل ! سکا بالین صفا پرور اولایدم !
 س - مانند جلال ایلرایدم عشقی اعلان !
 ج - سعدی کی عالمده سخن پرور اولایدم !

— مغموم —

- زمین مغبر ، سما مظلم ، هوا مغموم بن مغموم !
 بولوتلر حزنه مستغرق فضا مغموم ، بن مغموم !
 زوال عشقی کوردم ، اولماسینی کوزلرم کریان ؟
 اوچورمش حسنی اول بیوفا مغموم بن مغموم !

— ديسينلر —

ساقی ! بو فناعالمه ميخانه ديسينلر !
 کوستردیکی جام غمه پیمانه ديسينلر !
 یاق شمع جمالکله بنی ای مدتابان !
 برشعله ایچون یاندى شو پروانه ديسينلر !
 مرآته نگاه ایتمه که عکسک اولا نابود !
 ای لؤلؤ یکتا ! سکا بردانه ديسينلر !
 عشاق دو قوندجه آکا اولدی پریشان ،
 وصف ایتک ایچون زلفکی جانا ! نه ديسينلر ؟
 هیچ عقله کلیر میدی بو عاشقلم ؟ ای دل !
 کیم دیردی که برکون بکادیوانه ديسينلر !
 کاکلریکه دسترن اولدجه حسددن ،
 عاشقلرک : اولدیردی بزى شانده ديسينلر !
 اکلنجه سیدر شام غریبانه جلالک ،
 بونوغزله شعر غریبانه ديسينلر !



— ﴿﴾ طقوز نجی قسم ﴿﴾ —

احزان

— آکلایہ مہم ! —

سمای عشق و محبت اومائی کوزلردر !
 کوکل اودیدہ لره قارشی نوحہ آورددر !
 نهدر اساس اورنکک ؛ نیچون منورددر ؟
 نهدیر سیکیز ؛ اولہی سمایی آکلایہ مہم !

§

فراق او کوزلری مائی قیزی تباہ ایدیور !
 حزین حزین کزیور . کیزی کیزی آدا ایدیور !
 صباح قارشی شو اورمانلری پناه ایدیور !
 یازق یازق ! کدر دلربایی آکلایہ مہم !

§

ضیامیدر او چوشاز ؛ وجهک نقابی میدر ؟
 یوزوکیدر کوریتن ؛ جنت آفتابی میدر ؟

نہ در وجودیکی اورتن؟ شفق سحابی میدر؟
 سحر کولوشلی ملک! اول ردایی آکلایہم!

§

محبت آدمہ صانمہ ترحم ایتمشدر ،
 بلای عشقہ دوشنلرتورم ایتمشدر!
 دیورلر: عشق صفادن تجسم ایتمشدر!
 حیاتی محوایدیحی برصفایی آکلایہم!

§

ینہ اوشانلی پری التفاتہ مائلدر .
 نہ سویلیور؟ نہ دیور؟ فہمی غیرقابلدر!
 ملکلرک سوزینی آکلامق نہ مشکلدر!
 کلام یارفرشته لقایی آکلایہم!

§

فضیلت اولماز ایسہ علمہ حرمت ایلیم .
 خیال اوچار ایسہ فہم حقیقت ایلیم .
 ظلامی کورمز ایسہ نور ی رؤیت ایلیم .
 قنایی آکلایماز سہم بقایی آکلایہم!



— منبل کونته ندریر؟ . . . —

ای مهر منور! که یوزک شعله نمادر،

ازهارک ایچنده!

کاهی لمعانک نه قدر روحه فزادر!

اشجارک ایچنده!

سنسین بنی احیا ایدن ای نیررخشان!

فیضکله چنده .

نورک بنم اوستمه اولور شعشعه افشان .

یابرک سمنده .

وقتا که شفق پرده چکر روی سمایه،

بلبلر آچار پر .

اول رنکه، اولوانه، اولوانا صفایه،

کللر حسد ایلر .

هر پرده سکونت ایشیدلمز اوزمان سس .

جولربیله خاموش .

نور شفق آلتنده او یور شوق ایله هر کس .

دریا ایده من جوش .

بر حیرت آیر عالمی علویت ایچنده .

دیرکن دیکشر رنک .

- ناگاه او زانیر کاشن بر بهجت ایچنده ،
 قوشلرده کی اهنک ،
 یاپراقلر اولور زمزمه پرور بو صدادن .
 اشجارده ایکلر .
 برکودک معصوم او یانیر خواب صفادن .
 بدیلاری دیکلر .
 برثاله دو شهر اوستمه چشمان سحر دن .
 ایجو کبی پارلار .
 آهسته تموج ایله جولدرده لردن ،
 صحرا یه آقار لر .
 سیاسلر ، که خیالات غریبانه یه بکزر ،
 ایلر بی مستور .
 هر کون دو لاشیر لر شو اقلرده مکدر .
 سندن آلاماز نور .
 مشر ، آغیر بر روحی اوقشار اولطافت ،
 اختر لره قارشی .
 بر شهبه ایچنده او یور اسرار طبیعت ،
 دابر لره قارشی .

وقتا که اولور فیض طلو عکله بیدار.

شرقک اوزرنده ،

برشعله نما ، عشق فزا کاکل زرتار ،

چنت سحرنده ،

آنحجق اوقدر شعله اولور کوزلره منظور.

انوار فشاندر .

آنحجق اوقدر انور اولور آینه حور .

مشرقلره شاندر .

سیسلرداغیلر نورک ایله کلشنمزدن .

ازهار آچیلرهب .

برذن بره دیدار صفا افکنمزدن ،

پرتوصاچیلرهب ،

اول دمدنه سکا بویله دیدم: دلبرانور !

ایله بنی احیا.

صولدورمه بنم رنگمی ای مهر منور !

قیلمه بنی افنا .

برصبح بهاریده بوی لرده کورونسون ،

برعاشق محزون .

- معشوقه سی ازهار چمنزاره بورونسون .
 اولسون اوده منون ،
 اول عاشق شیدایی آلسین بوچندن .
 دلدارینه ویرسین .
 بر بوی سماوی ده اودم شوق ایله بندن ،
 آغوشنه کیرسین .
 صولدجه یوزوم کوزیاشی اولسون بکاباران .
 ایلرینی زنده .
 قارشمده چیچککارده ایده ر کوکلی شادان ،
 بر ساقمی ایچنده .
 بن بویله نیاز ایلرایکن صوتی جلالک ،
 ایلرینی بیدار .
 دقت ایده رم ، سوزلری اول هرزه مقالک ،
 ایلرشونی تکرار :
 سنبل ! او قدر کوله - دوشون ، صوکره نزار اول .
 کلزمی خزانک ؟
 سنبل ده رطوبتده یاشار ، کریمه نثار اول .
 یوقمی هیجانک ؟

شوورد دلارا که شفقدن آلیور رنک ،
 پرنور و پرالوان ،
 برسینه تابنده اولوز کندینه اورنک ،
 مشرق کبی رخشان ،
 شوغنیچئر عناق ایدر عالی مبهوت ،
 شاعر لری بیهوش ،
 اول حال ایله کویا سانلییر پنجه یاقوت ،
 دائم یری آغوش .
 شونخل چمن کدا کایا یئنده چیچکلر ،
 ایتمکده پرستش .
 اوستنده لطافتله اوچار لر کلبکلر .
 سیرایت نه کوزلمش !
 شوتازه چیچک که آخیلر وقت مساده ،
 وجهنده طراوت ،



— دوشونورم ! —

اودم که بادشبانگه باشلار افغانه ،
 نگاه ایدردوروروم ماهه : نجم سوزانه .
 تعلق ایلر ایسه کوزلرم غریبانه ،
 سحر دمنده کی مهتاب پرتوافشانه ،
 « دوشونمه بی سوه زم متصل خموشانه ! »

کورونجه یاریمی بر ایل ژاله پرورده ،
 فرشته ظن ایدرم بر سحاب مغبرده .
 بیور تصور غم فکر محنت آورده .
 باشم دودست تفکر کرده ، کوزلرم یرده ،
 « دوشونمه بی سوه زم متصل خموشانه ! »



اودم که بر قیز ایدر ترک عالم ناسوت ،
 صاچار ضیا یوزینه مهر عالم لاهوت ،
 ملکلره قاریشیرسه اودلبر مبهوت ،

کچر سه پيشکه مېدن چي چکلی برتابوت ،
 « دوشونمهي سوهرم متصل خموشانه ! »



- ضيا ظلامه کيردر ، بادي تکدر اولور
- خزان بهاري ياقار ، جالب تائر اولور
- کوکل غمومه دوشر ، موجب تفکر اولور
- باقنجه بونلره چشم سرشک ايله پراولور
- « دوشونمهي سوهرم متصل خموشانه ! »



— اغلا ! —

بابل ! نه به هر سسک صفامز ؟
 قالسونمي جلال دلربامز ؟
 بن ايله يم آه زار اغلا !
 کچمزمي بنم کونم جفامز ؟
 فیکرم نچون اويله انجلامز ؟
 قالدیم ينه بيقرار . آغلا !



کاهی آچیلیرسه مائی سنبیل ،
 شاید طاویلیرسه کوکسکه کل ،
 یاد ایت بنی آه ایدرسه بلبیل !
 سودکارمی ایدوب تخیل :
 ای دلبرکل عذار ! آغلا !



هرشب بوراده کوروب تانیردم .
 مهتابه فتاده در صانیردم .
 سندن بیله یاری قیصقانیردم .
 کیتدی!.. کیده مزدیر آلدایردم .
 آه ای مه شعله بار ! آغلا !



ای محتمی بیلمن چمنزار !
 هرشب بوراده دوغارمی دلدار ؟
 اغیاره قابیلماسین صاقین یار ؟

یار اولدیمی همنشین ، اغیار ؟
کلرله اولورسه خار ، آغلا !



ای کوزلری مائی شهلوندم !
والله اسیر ، مستمندم !
الله بیلیر که دردمندم .




حزنک بنی ایتدی کریه آور .
کریانمسنین ای خیال دلبر ؟
برداملا بنم ایچونده ایستر .
قالسین باش ایچنده آه اوکوزلر !
بن ایلم افتخار ، آغلا !



چوقدن بری ای لطیف وردم !
قلبمه بر آغری حس ایدردم .

کوندن کو نه صولدی روی زردم .
پک مهلك ایش مکرسه دردم .
ای طاتلی باقیشلی یار ! آغلا !



— (او سنجی قسم) —

آئنا یہ

— نمبر —

قیل مرحمت ، جلالی نزارایتدی فرقتک :
 برکون کلوب نہایتہ ایرمزمی محتک ؟
 محو ایتک اولسون بنی فرقتله نیتک ؟
 جان آلق ایستیور ینہ هجرک ، محبتک .
 « اولدیردی حسرتک بنی ... اولدیردی حسرتک ! »



اللہ ایچون بوسرزنشم نابجامیدر ؟
 محو ایلمک برعاشقی سنجہ صفامیدر ؟
 قارشیکده کنندی کندیمی اورمق سزامیدر ؟
 اولسونمی براسیر غمکندن ؟ روامیدر ؟
 « اولدیردی حسرتک بنی ... اولدیردی حسرتک ! »



هجرانی سودیکم چکه مز اولدی جان، یتیش !
 کنجیم ، مروت ایله بکا الامان یتیش !
 مغلوبیم مغلوریکم، حقیریکم ای نوجوان ! یتیش !
 مظلومکم ، اسیریکم ای ! دلستان ! یتیش !
 « اولدیردی حسرتک بنی... اولدیردی حسرتک ! »

— یاد ایت ا —

وقتا که دوغار سحر هلالی ،
 کلشن بزه کوسترر تغیر .
 دلبر شفقتک عذار آلی ،
 برابر ایله ایلیوب تستر ،
 محزون کورونور جهانه ایواه .
 بابل ایدر آه بی تأخر .
 اول قوش سکا ایتدیررسه ای ماه !
 فریاد حزینمی تخطر !
 یاد ایت بنی عاشقانه یاد ایت !



وقتا که خزان اولور بیدار ،
 آرتق چیچک ایله من تبسم .
 اوراق صفا نمای اشجار ،
 کولمز ، صراریر ، ایدرتورم !
 قلماز آدانک بهاری باقی .
 هیچ بریری ایله من تنور .
 باق کلشنه ، حس ایت افتراقی .
 ایله بنی بردها تذکر .
 یادایت بنی حزن ایچنده یادایت !

بکرت
 بکرت

وقتا که دکیز تموج ایلر ،
 هر دالغه اولور قرین ساحل .
 ساحلده کی زائر مکنر ،
 اولدقجه تفکراته مائل ،
 امیدینی ای ملک لقا ! کس !
 ای جالب عشق پر تأثر !
 هیهات !... دریغ !... یوللور سس ،

اولدقجه ر غم آور تحسر .
 یادایت بنی یاسه دوشده یاد ایت !

وقتا که آغاچارک ایچندن .
 برنغمه کایر تاسف آور .
 سنده اورادن گذار ایدر کن .
 پامالک اولورده برک مغبر .
 برسس چیقاریر : آنک مالی .
 ایلر سنی مائل تفکر .
 اولدقجه فقط لسان حالی .
 بادئ تحسر وتکرر .
 یاد ایت بنی ای نکار ! یادایت !


بنی
 بنی
 بنی

وقتا که کایر سهایه ظامت .
 وقتا که دالار سکوته اشیا .
 برشاعری کور اسیر فرقت .
 برطاش اوزرنده قاله افزا .
 برنجمه نگاه ایدرده آغملر .

ایله کوزی دائما تقطر !
 دالدجه اودم سکوته طاغیر ،
 برحسله اولور ایسه دلاک پر ،
 یادایت بنی پک آجیقلی یادایت !



، وقتا که ایکی نهال کریان ،
 ، فریاد ایدرک وداع ایدر لر ،
 ، فریاد لر اولنججه اول آن ،
 ، مزوج صدای باد مغیر ،
 اول حالتی سن بیلیر سین ای ماه !
 ، تأمین ایدرم که بالتحیر ،
 ، بر بویله صدادویار سین : ایواه !
 ، بر کره جلالی قیل تصور !
 ، یادایت بنی آغلا آغلا یادایت !



— فریادِ می و بیکله نور دیده م! —

آقار سرشکک ای کوزل! نه در بیلنسه حکمتی ؟
 نیچون سونوک سونوک دورور نکاهکک حلاوتی ؟
 نیچون صولوق یوزک ینه آروحمک تبسمی !
 کورونمبور کولسمهک نه یاپدک اول ملاحتی ؟
 اینتمهیک صاقین ملک حدید اولورمی ؟ فکرینه ،
 باقک او آل یاناکلره کورک ملکده حمتی .
 خدا یاراتدیغی زمان بو عالمی بیلیرمیسین .
 قادینله ایلدی تمام بدایع طبیعتی ؟
 سنک یاناکلرک دها کوزل ، دها صفالیدر ،
 آمان نهدر قاملینمی باشکدن آت اوزینتی .
 کلیر دل خرابمی خیالکز زیارته .
 آفکرمک دوشوندیکی ، آکوکک مسرتی !
 نیچون قاچارسکز بنی کورنجه ای طیبب دل ؟
 تحقق ایتمدی دها تورمک سیرایتی !



— مفرد —

- خوابیده ایدک کوکده کی اختر لره قارشی
- کوردم سنی مهتاب لطف افرس ایچده



اوز برنجی قسم

تشبیهات

— شفق آتنده بر هلال —

اولسه لایق اووجه غم پرورد ،
 برخزان یاراغنده چهره زرد !
 بلمری آشنای ناله سرد !
 وجهی کلمکون ، نه چاره غنچه درد !
 یوزی قانلر ایچنده آل اولمش !
 شفق آتنده بر هلال اولمش !



کفنندن کلن هوای مات ،
 دله القایدردی حسیات ،
 دیرایکن یوقیدر نشان حیات ،
 آجدی ابر نقابنی ، هیات !

یوزی قانلر ایچنده آل اولمش !

شفق آلتنده برهلال اولمش !



غبطه افزا یرك مدكلرینه !

کدر افشان سما چیچکلرینه !

یاقیشیر جنتک فلکلرینه !

داملامش خیلی قان اتکلرینه !

یوزی قانلر ایچنده آل اولمش !

شفق آلتنده برهلال اولمش !



— یرك سوهرم —

• قبر شاعر شمای رقتدر .

• یوق صدا، محزن سکونتدر .

• مرمری برلقای عبرتدر .

• ماتم چهره طبعتدر .

• منکسف برجمالی یرك سوهرم !

بوسگونه خلل ویره ن سسلر ،
 نه قدرده حزین ، کدر پرور !
 آسمانن باقان هلال سحر ،
 نه به کوستردی چهره مغبر ؟
 متورم هلالی پک سوهرم !



بر مراز سکون وغم پرور ،
 آنک اوستنده بر بیاض مرمر ،
 آنک اوستنده مرغ نوحه اثر ،
 آنک اوستنده خالق اکبر ،
 آه بن بویله حالی پک سوهرم !



— ملک —

ظن ایلرم آسمانن ایندک .
 یوق یوق ملکم ! جنانن ایندک .
 روح ینه اهتزازه کلدی .
 آواره کوکل نیازه کلدی .

- قارشمنده کونشمی اولدی منظور .
 وجهکده ضیافشان اولور نور .
 هر خنده اولور لطافت افکن .
 پرتو صاحیلیر تبسمکدن .
 ای ماه ! جمال شعبله بارک .
 بيلمم که صباحیمی بهارک ؟
 هر وجهله بی بدل یاراتمش .
 الله سنی کوزل یراتمش .
 لطف ایله رک نقابک آچدک .
 ای مطلع نور ! شمه صاحدک !
 زلفک صاحیلیر رخ منیره :
 تصویر غروبه بر نظیره !
 دل نشوه عشقی اولدی حاوی ،
 باقدنجه اودیده سماوی .
 دوکش کل آله شعله رسام ،
 کل رویکی ایله مش شفققام !
 محو اولدی جهاندن اشتیاقک .
 ای نور ! کورولدی انفلاقک .

ای کعبه دل ! بچرمییم بن ،
 دیداریکه سجده ایلمکدن ؟
 برکره دوشون دکلی شایان ،
 آغوشنه جان آتارسه انسان ؟
 دنیایی اسیر ایدر نگاهک .
 سودا کبی طائلی هر نگاهک .
 منظور اولور ای کل لطافت .
 وجهکده لطیف بر طراوت .
 پک باقه امان سمایه او یله !
 اوچقمی مرامک آه ؟ سویله !

§

بن عرضر جا ایدر کن اول ماه !
 انوارک ایچنده اوچدی ، ایواه !
 دلخسته ایدوب جلالی ، کیتدی .
 امید وصال یار بیتدی .
 کوکلده نقط خیالی محفوظ .
 ایلرینی اول خیال محفوظ .



— وار —

ظن اید در سین آفتاب ایتدی شفقله امتزاج :
 باق هله رخسار جانانک نه یار لاق رنگی وار .



— سویلیور —

بر بهارم ، روز کارک جور طاقتسوزینی ،
 چهره زردمده کی رتک خزانم سویلیور !
 سویله مکدن دردیمی آرتق اوصاندم ، ایگله دم !
 ای دل اول روح روان ظن ایتدی جانم سویلیور !



— رکل —

یوز کده کا کل پرتاب مشر بمجه دکل !
 بولو تلو عالم مهتاب مشر بمجه دکل !



اون ایکنجی قسم

علاوه

— غزل —

رند محنت پرورم ، میخانه‌لر آغلار بکا !
 اشک کلگونم کوروب پیمانلر آغلار بکا !
 آشدان چکدیکم جوروجفایی سویله سم ،
 دوستلر ! ایمانی یوق بیکانلر آغلار بکا !
 قوشدیریر امدادمه فریادم اک ظالم‌لری !
 جان ویررکن عشق ایله جانانلر آغلار بکا !
 اغبرار عاشقانم قیمی ایلر کریه ناک !
 بن بلا مجنون‌نویم ، دیوانلر آغلار بکا !
 سوزداغ سینهدن یاندم کول اولدم ای جلال !
 برالهی عاشقم ، پروانلر آغلار بکا !



— عندلیب —

- سایه قارشی صفای بهاری آکلاتیور .
- باقک شوبلبله شوق و مسار شاعریدر .
- زمینی تازه چندر ، سماسی یپراقدر .
- چیچکلرک آراسنده بهار شاعریدر .

— ایلتجی قطعی اربابانه برشرفی —

- مزاری اویستنه اشکم دولدی .
- نئم برصیرمه صاچلی یارم اولدی !
- الیمدن کیتدی ده بوینم بوکولدی .
- نئم برصیرمه صاچلی یارم اولدی !



— برشرفی دها —

- نوبهار ایامی صاچدی پای یاره ای کوکل .
- صازی فیلیا، مائی سنبل، مورمنکشه، پنه کل !

باده ایچ کیم دمبدم نوش ایتدیریر انسانه مل :
 صاری فیلیا، مائی سنبل، مورمنکشه، پنه کل .

§

کلدی یاز ای غنچه رعنا ! چیقار پیراهنی
 کوستر آرتق یاسمندن پاک اولان سمین آنی
 نونہالم ! عزم کلزار ایله کیم بکلر سنی :
 صاری فیلیا مائی سنبل، مورمنکشه، پنه کل .



— ارج بیت —

آلدی مولا کو کلک اک سو کیلی لیلانی !
 ناکهان دیوانه کو کلم آلدی یامولاسنی !
 عرض دیدار ایتمه ای بت! دیرده حیران اولوب .
 آتمسون آغوشدن مریم آنا عیسانی !
 قیس محزونک روان پاک شادا اولسون دیه ،
 نغمه آهمله دولدوردم جنون صحراسنی .



— رصال —

- صبحه قارشى كوز ياشى تفهيم ايدمه ركن حالمى .
- ماهتاب بهجتم فهم ايتدى مافى البالمى .
- كيزلى كيزلى اختران تبريك ايدمه رقبالمى .
- جامه خوابندن چيقاردم يار حورى بلمى .
- شيمدى قورتاردم بولوطدن نير امالمى .



- كوزلرمدن سينه سيمينتى صاقلاردى تول .
- مشرق سودا آچلدى اى دل بيجاره ! كول !
- اى مسرت قطره سى ! اى ژاله سودا ! دو كول !
- جامه خوابندن چيقاردم يار حورى بلمى .
- شيمدى قورتاردم بولوطدن نير امالمى .



- اى بولوطر ! چهره صبجى برازتاريك ايدك .
- اى شفق ! اى فجر ! حيسياتمى تحريك ايدك .
- اى چيچكلر ! اى كوزل ! قوشلر نى تبريك ايدك .

- جامه خوابندن چيقاردم يارحورى بالمى .
- شيمدى قورتاردم بولوطدن نير آمامى .

صوك

PL

248

C43Z48

1895